

30

25

20

15

10

5

4 13  
863  
11

說約  
台參

四書正解

卷之十一

論語 先進 緣淵



四書大金說約合叅正解卷之十一

殷其祥哲維

年二月  
氏奇

丹陽吳莘森右彙輯

受業門人陸觀成駿聲仝校

論語

先進第十一

此篇多評弟子賢否。凡二十五章。胡氏曰。

子疑閔氏門人所記也。

先進章全旨

此見夫子折衷禮樂主張，「一世」之深心也。首節，或爲時人尚文之論，未節，示以「在己」折衷之意。意在人昧於中，故鄙先進崇後進。夫子用「中」，只在從先進，便是從文武周公。便是憲章夢寐，本懷但語氣渾然，初不直取時論，而從先進之一言，得失隱然，言表矣。

子曰：先進於禮樂，野人也；後進於禮樂，君子也。

先進後進，猶言前輩後輩。野人謂郊外之民，君子謂賢士大夫。

夫也程子曰先進於禮樂文質得安今反謂之質朴而以爲野人後進之於禮樂文過其質今反謂之彬彬而以爲君子蓋周未文勝故時人之言如此不自知其過於文也

衆語類子曰禮樂以得中爲貴也但今風會日流心不古如先進之於禮樂有文有質今反謂其樸陋無文而以爲郊外野人之氣象也後進之於禮樂文過於質今又見其華美可觀而以爲賢士大夫之氣象也信如時

人之論則其從後進而不從先進可知矣

析講時人之論關係非細舉世皆以爲君子便一向崇尚不知反本末流之弊必至大亂夫子從先進大有移風易俗擔當世道之意○大全金氏曰所以知野人君子爲當時之言者蓋下文如字幹轉吾字提起則知上文爲今時之一言也○王觀濤曰述時人之言亦未必時人有此四句成語但夫子據時論之所尚而述其意耳○禮樂包得廣自吾身一言一動以至千節天下和天下者皆是○此節且勿斷時人不是只是就時人意說○或問此禮樂還說宗廟朝廷以至州間鄉黨之禮樂曰不止是凡日用之間一禮一樂皆是○禮樂只是一個禮樂用得的是不同如升降揖遜古人只是誠寔

行許多威儀後人便咸好看古人只正容謹節後人便近于巧言令色存疑云先進禮樂序文武成康之舊後進禮樂乃周未流俗之弊君子野人猶云是君子的氣象是野人的氣象○君子勿涉成德等謠猶云衣冠士類云耳

## 如用之則吾從先進

用之謂用禮樂孔子既述時人之言

又自言其如此蓋欲損過以就中也

合衆若我而用禮樂則豈敢狃人乎哉吾惟有從先進耳雖謂我爲野人而非君子所不惜也此可以觀聖人用中之意

而萬世禮樂之準定矣

析講如卽若也如用之不是設或用之承上文言時人之論如彼若我之用之則不然○用之則就目前所用言益禮樂不可斯須去身夫子無時無處不用先進禮樂非謂得行其道而用之也○折衷云則字有斷然不惑時議之意○大全金氏曰損過以就中非是華寔相等爲中蓋聖人之道無適不中用禮樂而從先進在當時則爲崇質在理則爲適中間孔子從先進是無取于文也郁郁乎文君子又從之何耶○潛室

陳氏曰周宋文弊已不足爲文矣從周者三代損益之勢當然從先進者周宋文勝救之當然并行不悖

從我章全旨

與難之姓名寔之亦以見其人之所思不重品第高下與因材而教意

子曰從我於陳蔡者皆不及門也

從去一聲

孔子嘗厄於陳蔡之間弟子多從之者此時皆不在門故孔子思之蓋不忘其相從於患難之中也

泰序子曰我嘗阨于陳蔡諸弟子相從者多人今則行踪各異皆不及門也彼一時也相從于患難此一時也相違于平居吾其能忘情耶

析講家語楚昭王來聘孔子往拜禮焉路出于陳蔡陳蔡大夫患其用于楚而危已也相與發徒役圍孔子于野不得行絕糧七日○不及門

或仕或歸或死也

德行顏淵閔子騫冉伯牛仲弓言語宰我子

貢政事冉有季路文學子游子夏

行去一聲

弟子因孔子之言記此十人而并賄其所長分爲四科孔子教人各因其材於此可見○程子曰四科从夫子於陳蔡者離門入之賢者固不止此曾子傳

者道而不與焉故知十哲世俗論也

剝序弟子以夫子之言因而記其人謂當時從陳蔡有踐履篤寔長于言語者則宰我子貢也有才識疏通長于政事者則冉有季路也有聞見博洽長于文學者則子游子夏也析講麟土云見得其賢如此宜乎在難而有絃歌之樂居安而切思慕之情也○德行等當以道字貫德屬心行屬身德行者體道于身心者也言語所以闡道政事所以達道文學所以載道可見昔之患難皆以道相從今之追思亦以道致慨○仁不違于三月孝不間于人言小物之節夫子以之自勵南面之度夫子爲之稱許賢夫子于堯舜高聖道于宮山藝足爲宰材堪治賦宰武城而教以絃歌論禮樂而先以忠信諸子之德行言語政事文學大畧如此

回也章全旨

總<sub>是</sub>是潔嘉顏子悟道之妙順說下兩句合

句方盡形容中間着不得一轉語○以上句想像

下句非以下句回護上句或作推原或作抑揚其詞者俱認

子曰回也非助我者也於吾言無所不說

說音

悅

助我若予真之起予因疑問而有以相長也顏子於聖人之言默識心通無所疑問故夫子云然其辭若有憾焉其實乃深喜之○胡氏曰夫子之於回豈真以助我

望之蓋聖人之謙德又以深贊顏子云爾

參淺說子曰群弟子於質疑之間每每發吾未發之蘊其助我者有矣若回也則非有助于我者也但見其人于吾之所言默然聽受懼然領畧惟無所不悅從

而已耳無有疑卽無可問又安得有助哉

析講口氣猶云回不是助我的乃是于吾言無所不說的○

死回也二字便有許多意味○王陽明曰聖人言詰本自周

遍然道無終窮執經問難愈生妙義豈不是助顏子無所不说既無問難卽聖人亦寂然不動無所發揮故曰非助我者也○玩無所不三字可見顏子全是默識心通觸處洞然凡

孝哉章全旨

孝哉句盧正見之重人不間三字輔慶源曰父

母昆弟稱其孝友人皆信之無異詞者蓋其私誠否未可知也至于人皆信之無有間言則誠著而德彰矣

子曰孝哉閔子騫人不間於其父母昆弟之

言

聞去

胡氏曰父母兄弟稱其孝友人皆信之無異詞者蓋其孝友之實有以積於中而著於外故夫子歎而美之合參子曰百行莫大孝孝哉其閔子騫乎蓋使其孝行合乎家庭雖父母昆弟之間且有異詞矣何況他人今閔子騫之孝父母昆弟稱之矣而外人皆信之初不異於其父母昆弟之言則其實行孚于中外可知真純孝也析講蔡氏曰夫子自有深信閔子之孝者故引人不間于其父母昆弟之言以証之非因此而始信其孝也○麟土云胡

註語氣本直處人倫之變似多了一折可以不用且稱人之孝而先不滿其父母或亦非閔子所樂聞也○陳新安曰夫子惟稱其孝集註兼及于友者蓋就昆弟之言見其友也夫孝友一理孝者必友不友則非孝矣

南容章全旨

只重謹言不必添謹行三復只是常常體玩念念思維之意非必一日三次之謂不必泥註十一日字南容一日三復此言事見家語蓋深有意於謹言也比邦有道所以不廢邦無道所以免禍故孔子以兄子妻之○范氏曰言者行之表行者言之實未有易其言而能謹於行者南容欲謹其言如此則必能謹其行矣

合參白圭之詩衛武公爲謹言而作也南容日三復之加意謹言之君子也夫所謹者言則能進德可知孔子以其兄之子妻之蓋取其賢也

術講邢疏此節有道不廢無道免刑戮者也弟子各記所聞故又載之○三復與終身誦不同彼有自足其能意此有末

季康章全旨

此章見顏子死而聖學絕之意要得夫子嘗嘆嘆口氣好學只空空說勿添入不遷怒二十一句

李康子問弟子孰爲好學孔子對曰有顏回者好學不幸短命死矣今也則亡

好去

范氏曰哀公康子問同而對有譁畧者臣之告君不可不盡若康子者必待其能問乃告之此教誨之道也參序季康子問弟子中孰爲好學孔子對曰有顏回者真能好學人也然不幸短命死矣今也弟子中則無其人惜哉析講麟士云此章炤下諸章只是惜顏子死耳范註不必

顏淵章全旨

首節是顏路之愛回以情下節是夫子之愛回以義要知才不才之論俱非夫子本意亦非必泥定鯉爲不才惟以父子之道論之原不問才不才耳要見吾之愛鯉原不減汝之愛回亦便有視之猶子念頭在

# 顏淵死 颜路請子之車以爲之椁

顏路淵之父名無繇。少孔子六十歲。孔子始教而受學焉。椁外棺也。請爲椁欲賣車以買椁也。

參序顏淵死家貧無椁。其父顏路不忍。序請夫子所乘之車賣之以買椁。蓋以夫子于回恩義兼盡。當無所斲也。

子曰才不才亦各言其子也。鯉也死有棺而無椁。吾不徒行以爲之椁。以吾從大夫之後。不可徒行也。

鯉孔子之子伯魚也。先孔子卒。言鯉之才雖不及顏淵。然已與顏路以父視之。則皆子也。孔子時已致仕。尚從大夫之列。言後。謙辭。○胡氏曰。孔子遇舊館人之喪。嘗脫驂以賻之矣。今乃不許。顏路之請何邪。葬可以無椁。驂可以脫。而復求大夫不可以徒行。命車不可以與人。而鬻諸市也。且爲所識窮乏者得我而勉強以副其意。豈誠心與直道哉。或者以爲君

子行禮視吾之有無而已。夫君子之用財視義之可否。豈獨視有無而已哉。

參序夫子以義不可許。序節旨之葬鯉。蒼蒼之。曰子或有才。不才以父視之。則各謂之子。其情一也。則汝之視回。猶吾之視鯉矣。昔鯉雖有才。及淵亦吾之子。其死時亦只有棺而無椁。吾未嘗徒行。而舍車以爲之椁。豈吾愛子之情。獨異于汝乎。以吾嘗從大夫之後。出入當乘。命車朝廷體統所在。不可徒行也。向也吾之葬鯉。可以無椁。則今日子之葬回。亦可以無椁矣。此可見聖人用愛之道矣。

析講馮厚齋曰。伯魚聞謳。聞禮。未爲不才。視于淵。則才不及耳。惟自言其子。故曰不才。然才不才。一句且慢。露回鯉字。出○特提起葬鯉一事。正要他以葬鯉者葬回。于相之之中。陰寓諷之意。○吾不徒行。數句只說處鯉而所以處回者。却在言外。○不重大夫。不可徒行。貧而厚葬。雖可徒行。亦不可。此意却重。○問命車朱子曰。禮記云。大夫賜命車。

## 顏淵章全旨

此章見夫子爲道而悲。重天字。道統之絕續。皆天也。夫子抱道于身。身有盡。而道欲傳。傳道處。卽

其身也。回死則道亡，故呼天以悼之。○呼天自悼，添不得「若」字。

# 顏淵死子曰噫天喪子天喪子喪去

意傷痛聲悼道無傳若天喪色也

叅淺說顏淵死子傷之曰噫吾之道寔賴顏淵以傳今顏淵死則吾身雖存而吾之道已無傳吾雖生猶死矣是天之喪予也是天之喪予也重言以致其嘆息如此

析講胡雲峰曰夫子上接文主之傳，則曰天未喪斯文，下失顏淵之傳，則曰天喪子然則道統之絕續皆天也

此章見勸淵之非過正

## 顏淵章全旨

夫子哀之發而出節處

# 顏淵死子哭之慟從者曰子慟矣從夫

慟哀過也

叅序顏淵死子哭之至子慟衆弟子十日子慟矣欲其節哀也

# 曰有慟乎非夫人之爲慟而誰爲

夫音扶爲夫聲

夫人謂顏淵言其死可惜哭之室慟非他人之比也。○胡氏曰慟情之至施當其可皆情性之正也

叅序是時夫子哀傷之至而不自知方訝曰吾果有慟乎然

夫人者哭之宜慟吾非子夫人哭之爲慟而更于誰人宜慟

乎明斯淵非他入比也

析講不自知其慟若過也然哭顏淵而慟寔爲

道而慟非過也于此見聖人之哀而中節處

# 顏淵死門人欲厚葬之子曰不可

喪具稱家之有無貧而厚葬不循理也故夫子止之

泰邢疏顏淵死淵之門人以其師有賢行欲豐厚其禮

以葬之子止之曰不可喪具從家貧而從厚非禮也

析講麟士云如此則與子路使門人爲臣意正畧同耳胡雲

峰曰無臣而爲有臣非理也豈所以葬夫子家貧而厚葬非

理也豈所以葬顏子

○蒙引葬兼殯言

卷之十一

論

四書正義 卷之十 論

七

門人厚葬之

蓋顏路聽之

參邢疏門人葬孔子孔子不聽門人故違孔子而卒厚葬之

析講大全陳氏

日

蓋顏路聽之者蓋疑詞以謂車爲樟知之

子曰回也視予猶父也予不得視猶子也非我也

夫二三子也

歎不得如葬鯉之得安以責門人也

參淺說夫子責之曰回也視予猶父也一言一動惟吾言是從自小至壯亦惟吾身是依恩義兼盡矣今吾之于回不得視猶子也蓋吾向之葬鯉棺衾得安今之葬回棺衾多不循禮未有以安回之心然非我所爲也夫門人二三子爲之也是其所以使回不得安心于地下者責蓋有所歸矣

析講大全黃氏曰喪子之嘆有勵之哀非厚于顏子也爲道也讀車却之厚葬責之非薄于顏子也爲道也聖人之心無適非道也○蔡氏曰此數句皆以發上文不可之意予不得

視猶子也若自有自尤之意非我也二句則歸其責于門人乃深責門人也

季路章全旨

不<sub>レ</sub>是<sub>レ</sub>說<sub>レ</sub>事<sub>レ</sub>鬼神<sub>レ</sub>知<sub>レ</sub>死<sub>レ</sub>爲<sub>レ</sub>難<sub>レ</sub>而<sub>レ</sub>事<sub>レ</sub>人<sub>レ</sub>知<sub>レ</sub>生<sub>レ</sub>爲<sub>レ</sub>易<sub>レ</sub>只是能盡乎事人之理而事鬼神者亦不外是能知生

之理而知死亦不外是○子路一問皆是高明之病夫子告之如此正見學之有序不可躐等也陳新安曰由明而幽由始而終則爲有序未能事人而先欲事鬼未知生而先欲知死則爲躐等○事人事鬼總一精誠感格之心知死知生總一陰陽聚散之理理本相通事亦有序新說以事人爲盡人道知生爲全生理殊支離背註不可從

季路問事鬼神子曰未能事人焉能事鬼敢問

死曰未知生焉知死

虔反

問事鬼神蓋求所以奉祭祀之意而死者人之所必有不可不知皆切問也然非誠敬足以事人則必不能事神非原始而知所以生則必不能反終而知所以死蓋幽明始終初無二理但學之有序不可躐等故夫子告之如此○程子曰晝

夜者死生之道也。知生之道，則知死之道。盡事人之道，則盡事鬼之道。死生人鬼，一而二，二而一者也。或言太子不告子路，不知此乃所以深告之也。

子路問于夫子以爲鬼神者人所當事。不知事之道何如。子曰：明則爲人，幽則爲鬼。若未能事人而得父兄長上之心，又安能事鬼而使之來格來享乎？子當先盡其所以事人者可也。又問以爲死者人所必有。不知人所以死者何故。子曰：人必有生而後有死。若未能原始而知所以生，又安能反終而知所以死乎？子當先求知其所以生者可也。此皆所以抑止子路也。

析講大全朱子曰：人且從分明處理會去。如事君親盡誠敬之心，卽移此心以事鬼神。則祭如在，祭神如神在矣。輔慶源日死生者氣之聚散耳。倘不能推原其始而知氣聚故生，必不能反要于終而知氣散故死也。○問事鬼神是問其所當當然。問死是問其所以然。○蒙引生字乃生初之生，非生活之生。○子路看鬼神生死爲一。夫子道鬼神生死爲二。然以久謗當正證。謗氣引而不及不得徑露。

### 閔子章全旨

此章見聖人造就人才之心，俱重剛德。上任道者剛故下節專戒入路，望其副樂育之志，無非爲道計也。

閔子侍側，閭閻如也。子路行行如也。冉有子貢

侃侃如也。子樂。

閔侃音義見前篇

行行，剛強之貌。子樂者，樂得其才，而教育之。

參大全閔子侍夫子之側，但見其氣象外和內剛，德器深厚，閭閻如也。君子路則剛強，不屈。英氣畢露，行行如也。冉有子貢，則和順不足，而剛直稍外見。侃侃如也。四子氣象雖不同，俱稟乎正大高明之資，絕無陰柔邪！

姤之病，皆載道之器也。子顧而樂焉。

析講賜之達求之藝，由之果皆是有才底人。大拙人有才，便自發露，便自然有這般氣象。子路則發露得較粗，耳閔子、純于孝，自然有閭閻氣象。意本朱子。○四賢氣象俱屬剛，一邊閭閻，是柔中之剛。侃侃是剛中之柔。行行是純任平剛者，俱就好邊說。子樂非卽樂，其閭閻行行侃侃，樂其可以因此而

義成之則中行之士可得中和之德可就而吾道庶有傳人也。○蒙引先閔子文子路次再有子貢蓋以齒序與子路曾晳冉有公西華侍坐序同。

## 若由也不得其死然

尹氏曰子路剛強有不得其死之理故因以戒之其後子路卒死於衛孔悝之難洪氏曰漢書引此句上有子字或云上文樂字卽曰字之訛。○卷序子固皆樂得之但恐子路剛強有取禍之理因而警之曰以吾視之若由也似有不得正命而死者然可不戒哉析講朱子曰然者未定之詞使乎路能變其氣質亦必有以處此。○子路爲人粗于精微處多未達其事孔悝蓋其心不下以出公爲非故也觀以正名爲迂可見。○蒙引此處不可露出行行字蓋上文間間侃侃行行皆記者之詞非夫子之所言也上文行行亦作好者說。夫子戒子路蓋愛之深而危其有取死之理只泛就他氣象說。○存疑上節門人所記亦是因下面若由也。○卷序子固皆樂得之但恐子路剛強有取禍之理因而警之曰以吾視之若由也似有不得正命而死者然可不戒哉析講長府者帑藏也曷爲爲之將益其賦故廣其藏也魯人指當事者言其曰魯人者何是時政不在君而出于三家之者賤而人之也。○大金金氏曰左傳昭公二十五年公居于長府金玉曰貨布帛曰財。

## 魯人爲長府

魯人章全旨

通章見聖賢同卷維魯之心爲長府便足是崇利舉

長府藏名藏貨財曰府爲益改作之  
合泰魯有長府所以藏貨財也魯人之在位者欲撤其舊而更新之

析講長府者帑藏也曷爲爲之將益其賦故廣其藏也魯人指當事者言其曰魯人者何是時政不在君而出于三家之者賤而人之也。○大金金氏曰左傳昭公二十五年公居于長府金玉曰貨布帛曰財。

## 閔子騫曰仍舊貫如之何何必改作

仍因也貫事也王氏曰改作勞民傷財在於得已則不如仍舊貫之善

參序閔子騫諷之曰比改作之事出于不得已者則爲之今長府之役在于得已仍因舊制而一爲修整如之何似未嘗

不可何必紛紛然改作而勞

民傷財爲也言益婉而切矣

析講閔子素聞節用愛人之訓者故諷其爲之嘗止註勞民傷財正體貼閔子婉諷處傷財謂土木之費至魯人思厚藏意在言外也

# 子曰夫人不言言必有中

夫音狹

中去聲

言不妄發發必當理惟有德者能之  
參序子稱之曰吾觀夫人平日固不輕言今日所發之言則必有當平事理而益于人國也蓋稱閔子以警魯人也  
析講不言是平日不妄發不作不言則已言必有中還該卽指仍舊貴之言蓋夫子稱美其言正欲使魯人聞之以中止其事不作繁稱其詞○美其言之中理因其利民節財而美之也稱閔子之言則魯人改作之非可知新安陳氏曰改作長府之事經傳不載使因閔子之言而止則仁人之言其利溥矣

# 由之章全旨

上節欲由變化氣質以入道之室特就鼓瑟一節以微之非專爲鼓瑟發也下節雖是解門人亦以

# 子曰由之瑟奚爲於丘之門

許子路有可入室之基使不憚乎進耳無非造就焉也

程子曰言其聲之不和與已不同也家譜云子路鼓瑟有北鄙殺伐之聲蓋其氣質剛勇而不足於中和故其發於聲者如此

參序子路氣質剛勇故其發于瑟者聲亦不中和夫子嘆之曰丘之教人以中和爲尚者也若由之瑟疎與丘不相似何爲鼓于丘之門乎蓋使子路變化氣質也  
析講瑟是樂器古之爲士者無故不夫瑟所以養性情也自虎通曰瑟闇也所以懲忿窒慾正人之德也覺軒蔡良曰按說苑子路鼓瑟有北鄙之聲孔子曰南者生育之鄉北者殺伐之地故舜造南風之聲其興也勃然紂爲北鄙之聲其廢也忽然蒙引人于音樂最不容僞爲心動于氣氣發于聲所謂得之于心應之于手也使子路因夫子之言而欲敗斯聲亦自養心養氣始元

# 門人不敬子路子曰由也升堂矣未入於室也

門人以夫子之言，遂不敬子路。故夫子釋升堂入室，喻入道之次第。言子路之學已造乎正大高明之域，特未深入精微之奧耳。未可以一事之失而遽怒之也。

合叅門人不解，謂夫子之言爲賤子路，遂不相敬。子復解之曰：「二十三字，毋輕量也。」凡人之學識，其正大高明者，潛居之有堂；其精微深邃者，猶居之有室。今由也學于吾門，其所造已升堂矣，特未入室耳。由當而進之，亦易易者，可以鼓飈。

門人言，則表其所長矣。夫爲子路言，則斥其所短矣。

析講或問學之堂室何如？曰：「如仁如義，做得成就，一片段，所謂斐然成章者，此正大高明之域也。至于義精仁熟，止于至善，而造乎大中至正之歸者，此精微之奧也。非是堂是一个道理室，又是一个道理。孔子斯言固不專爲鼓瑟，發然只是一介子路，則卽此一端，亦足以見其槩云。○輔慶源曰：子路剛明，而粗率之氣未除。觀其勇干，行義欲，車裘共敝，及程子謂其達却便是堯舜氣象，則其升堂可知。至于以正名爲迂，而不知食輒之食爲非義之類，是未入室之驗也。○升堂正入室階梯言，一進步便未可量。此期年之詞，非抑之也。○瞿鳴

湖日升堂，未入室。子路意上重下輕，觀詎中已，字特字，皆外精微之奧，亦不在正大高明之外。或問妙絕。

子貢章全旨

評論師商，正是裁成師商處。裁成師商，即是教育，貢處大約以中爲主，但不必露出渾融爲妙。○予貢素恭師之高明，鄙商之狹隘。其問師商時，意中原以師爲賢，故三問過不及之言，便以爲師愈愈卽賢也。夫子說个過猶不及，見兩人偏處相等，不必定其孰賢。孰愈也。玩「猶」字，重在師過一邊，此便是點化子貢處。蓋子貢之學與予張一類也。

子貢問師與商也，孰賢？子曰：「師也。」

子張才高，意廣，而好爲苟難，故常過中。

子夏篤信謹守，而規模狹隘，故常不及。

參序子貢問師與商也，二人之所造孰賢？子曰：「師也。」其學每至，于過商也。其學每每至，于不及，卽此觀之，而所造可知也。析講晚雙峯曰：「觀答問交子章及曾子稱其堂堂，可見子張才高，意廣，觀問令尹子文陳文字之事，可見其好爲苟難，觀

先傳後卷章可見子夏能篤信聖教而諱守觀可者與不可者，莊子言可見其規模恢闊。○麟士云註中字須不說破。○卽註才高意廣等在夫子口，中亦當渾譯爲妙，然此等只是朱子推原他所以過不及，非正釋也。夫子所謂過不及，只是各有偏不相上下之意。

## 曰然則師愈與子曰過猶不及

與平聲。○愈猶勝也，道以中庸爲至賢智之過雖若勝於愚不肖之不及，然其失中則一也。○尹氏曰：中庸之爲德也，其至矣。平夫過與不及均也，差之毫釐，謬之千里。故聖人之教抑其過，引其不及，歸於中道而已。

合參夫謂之曰過亦就師論師耳，非謂其過乎商也。謂之日不及亦就商論商耳，非謂其不及乎師也。乃子貢未喻其意，以爲師比于商爲過，商比于師爲不及，故復問曰：然則師愈于商。興子曰：非也。吾道自有至當不易之準，不可淪于卑近亦不可離于高遠。失之過猶大失之不及，均于道爲未至也。然則師之過過乎道而非過乎商。商之不及不及乎道，而非不及乎道而非不及乎師也。子何以師爲愈耶？

析講大全輔氏曰：子貢所謂師愈者，以才質言也。夫子所謂過不及者，以道言也。○陳氏曰：集註不過引中庸賢智愚不肖之說，以發明過猶不及之旨，非指子夏爲愚不肖也。聖人之教，以下本文未有此意。○翼註過猶不及要順題講，不可倒說。不及猶過，亦不可平說。過不及同病，但重講過之離道而猶不及，自見矣。

## 季氏章全旨

聖人惡黨惡而害民，及此章正旨重責冉求而雜持魯事之意可見。○上節是案下節是斷周公有

魯國者也。季氏魯之一臣，而富過之民病，可知冉求爲之聚斂，平日足民之志安在。故夫子深惡痛絕之。

## 季氏富於周公而求也爲之聚斂而附益之

聲。○周公以王室至親有大功位家宰，其富安矣。季氏以諸侯之卿而富過之，非攘奪其君，剝其民，何以得此？冉有爲季氏宰，又爲之急賦稅，以益其富。○邢疏：季氏諸侯之卿也。周公天子之冢宰，魯其後也。孔子之時，季氏專執魯政，盡征其民，其君蚕食深宮賦稅皆非已。有故季氏富于周公，求也時爲季氏冢宰，不惟不能匡救其

惡又爲之急賦稅聚斂財物而倍附助益季氏此在季氏爲良臣在名教爲罪人矣

析講記此以見冉有負聖人之教乃求之罪案也衆斂非必法外加賦註中急賦稅意當認益競賦稅之常亦有寬恤民隱者在所謂催科不擾催科中撫字是也○魯之國是周公之國也家之視國十而取一今季氏十倍之富悉歸私家而公室反貧故不曰富于君而曰富于周公掩護之詞耳

## 子曰非吾徒也小子鳴鼓而攻之可也

非吾徒絕之也小子鳴鼓而攻之使門人擊其罪以責之也聖人之惡黨惡而害民也如此然師嚴而友親故已絕之而猶使門人正之又見其愛人之無已也○范氏曰冉有久政事之才施於季氏故爲不善至於如此由其心術不明不能反求諸身而以仕爲急務也

衆序夫子責之曰求也所爲恕此非吾徒也爾小子于求有朋友之義鳴鼓焉以聲其罪而攻之以衆論

之公可也此夫子警求亦以警季氏如此

析講鳴鼓而攻齊聲以攻擊其過也絕之而又責之總是欲

事書曰用田賦則冉有之罪難辭矣

## 柴也章全旨

此夫子諱四子氣質之偏也夫子所以言者欲使之自覺以克其偏而歸中耳方文伯曰愚者真朴未散稍知變通明卽在愚中翻出魯者立志堅確極力磨礲敏亦在魯中得來辟能去華以就寔何真淳之不可及彌能由粗以入細何禮樂之不可文○蓋四者總是氣質之偏能由學以矯其偏則幾矣不可說

攘四子只說四子是這樣的人

## 柴也愚

柴孔子弟子姓高字子羔愚者知不足而厚有餘家譜記其足不履影啓蟄不殺方長不折執親之喪泣血三年未嘗見齒避難而行不徑不竇可以見其爲人矣

叅序子曰學者之性質各有其偏如柴也爲人明智不足見

事多膠固而不通其病也愚

析講夫子不是閑閑評論四子分明是教他矯偏處用力力也  
○家語弟子行篇高柴自見孔子出入千戶未嘗越履往來  
過之足不履是柴之行也○致思篇蒯曠之亂季羔避之  
走郭門宋門者曰彼有缺焉曰君子不踰又曰彼有實焉曰  
君子不墮又曰於此有室子羔乃入焉○子羔仕衛避蒯曠  
之亂不踰寶不由徑處常之理施之臨難時所謂知經而不  
知權也若聖人微服過宋便是時中之道○愚  
字重智不足上是知識上久故看理不透意

## 參也魯

魯鈍也程子曰參也竟以魯得之又曰曾子之學誠篤而已  
聖門學者聰明才辨不爲不多而卒傳其道乃質魯之人稱  
故學以誠實爲貴也尹氏曰曾子之才

魯故其學也確所以能深造乎道也

參序參也爲人質朴渾厚悟解遲鈍而不敏其病也魯  
析講蒙家引魯如人一看曉得他便着兩三遭看人一遍記得  
他便着兩三遭記○曾子真是是魯後人見他後來地步高  
知所勵也○魯是見得遲鈍未能速悟頓解焉

## 師也辟

辟婢

亦反

辟便辟也謂習於容止少誠實也

參序師也爲人留意容儀而內少誠實其病也辟  
師辟並論則分明是魯矣分明說是魯亦何傷適足以足顯其

學力之勇能由學以至聖而天下之學者庶乎

知所勵也○魯是見得遲鈍未能速悟頓解焉

## 由也啞

啞五

且反

啞粗俗也傳稱啞者謂俗論也○楊氏曰四者性之偏語之  
使知自勵也吳氏曰此章之首脫于由二字或疑下章子曰

當在此章之首而通爲一章

參序由也爲人粗率野俗而外少文雅其病也啞愚與魯者  
必充之以學問辟者必本之以忠信啞者必文之以禮樂然  
後可進於道四子其各思所以變化之哉

析講愚以行言執滯而少變通未免知經不知權知常不知變也。魯以知言遲鈍而少敏決大約人一則已百人十則已千人也。辟以密言藻飾有餘則遺其內而真寔不足以成兼言貌粗率有餘則曇乎文而雍容不足。

回也章全旨

此章言二字造道之異當以道字爲主言回近道而賜亦可進于道欲使賜知所屬也以庶字暗對億中看以屢空暗對貨殖看方見稱回屬。

賜之旨但要上下昭應圓融不可板緊

子曰回也其庶乎屢空

庶近也言近道也屢空數至空匱也不以貧窶動心而求富故屢至於空匱也言其近道又能安貧也。參淺說子曰人之爲學皆以求道而近道者少回也以明睿之資而務沉潛之學其庶乎幾與道爲一也且不下以貧窶動其心而求富故屢至空匱也夫近道者所造之高而因以安貧者所見之大回真賢矣。

析講蔡氏曰庶乎言幾與道爲一也只將如有所立卓爾相

便見其庶乎意○屢空屢字可玩使少留心家計如賜之不

事至聞性與天道則不爲此矣○范氏曰屢空者簞食瓢飲屢絕而不改其樂也天下之物豈有可動其中者哉貧富在天而子貢以貨殖爲心則是不能安受天命矣其言而多中者億而已非窮理樂天者也夫子嘗曰賜不幸言而中是使賜多言也聖人之不貴言也如是

參淺說若賜也則不受天命有心求富而貨財常生殖焉是不如回之安貧樂道矣然其才識之明料事幾于未形之先則能多中也使由此充之亦可進于道矣賜也勉之哉

賜不受命而貨殖焉億則屢中

允中去聲

命謂天命貨殖貨財生殖也億意度也言子貢不如顏子之安貧樂道然其才識之明亦能料事而多中也程子曰子貢之貨殖非若後人之豐財但此心未忘耳然此亦子貢少時事至聞性與天道則不爲此矣○范氏曰屢空者簞食瓢飲屢絕而不改其樂也天下之物豈有可動其中者哉貧富在天而子貢以貨殖爲心則是不能安受天命矣其言而多中者億而已非窮理樂天者也夫子嘗曰賜不幸言而中是使賜多言也聖人之不貴言也如是

參淺說若賜也則不受天命有心求富而貨財常生殖焉是不如回之安貧樂道矣然其才識之明料事幾于未形之先則能多中也使由此充之亦可進于道矣賜也勉之哉

析講蒙引賜不受命而貨殖焉此正與屢空相反不得爲近道可知但億則屢中則有可以進道之資耳○上二句道子貢之不<sub>レ</sub>如<sub>ニ</sub>顏子處是言其短下句却舉他長處說○聖人信已說出兩賢事未嘗立字骨饒氏以上二句對屢空下一句對庶平似太拘然夫子稱回勵賜是欲子貢去其不如回者求其如回者彼此自當形照但須于渾敍中見陶鑄更佳○屢空只是貧安資在屢空上見貨殖只是富求富在貨殖上見○命是氣數之命不受命是不知資富之有定命未能與命爲順豐約間未免留情較世人規矩財利與命衡決者不同不<sub>レ</sub>受命而貨殖講此句亦不可下太將子貢說壞程子曰貨殖便生計較纔計較便是不受命不受命者不能順受正命也或者不喻乃謂子貢真好利者夫樊遲學稼圃夫子猶以爲小人豈有子貢而無一言以正之乎○屢中只是能料事之成敗意○不<sub>レ</sub>受命而貨殖語意相喚應總照屢空不得以貨殖不如安貧屬屢空不受命不如樂道屬庶乎○億度亦非道中所尚但賜之所以望回全在此才識能返而內照則進于庶乎之境

## 子張問善人之道子曰不踐迹亦不入於室

句是說善人之所以爲善人亦是善人之所以止于善人合來成一个善人之道然已有入道之資此其所以可取也故不入室非限他終不<sub>レ</sub>人也必學方入耳

善人質美而未學者也程子曰蹟迹如言循塗守轍善人雖不必踐舊迹而自不爲惡然亦不能入聖人之室也○張子曰善人欲仁而志於學者也欲仁故雖不踐成法亦不蹈於惡有諸已也由不學故無自而人聖人之室也參語類子張問人之所以爲善人其道何如子曰所謂善人者是天資渾然一个好人也行底自然皆不消循塗守轍以踐聖賢之成迹而自不至予惡却緣只是如此而無涵養擴充之學亦不能造精微之境而入耳

聖人間室也這是个善人應該道理

析講不踐二字一句一場一抑一下說下文見善人本來面目屢源輔氏曰質不<sub>レ</sub>美則不可謂之善人然質美而好學則進進不已雖美大聖神可以循玉又不止爲善人而已也○許氏

蒙引註中雖字然

曰此是就兩頭說中間形出人形狀○蒙引註中雖字然字是朱子解書意若用以贊聖人話則聖人是評論他詳不

是是答予張問善人之道○詎有不爲惡四字正急

蒼善人處迹室俱是信字與升堂入室意同

論篤章全旨

此章見觀人不徒以言而貴于覈其眞也君子色莊詞雖兩方平須抑揚重色莊邊見不可輕與意上

子曰論篤是與君子者乎色莊者乎

與如乎

言但以其言論篤實而與之間未知其爲君

予者平爲色莊者平上言不可以言貌取人也

合參子曰觀人者非但言之過佞者不可許也卽言論之敷篤朴寔者亦不可輕許若但以言論篤寔而遂許其爲人是

人也果君子而論篤者平抑色莊而論篤者平是難以定也如其君子與之誠是矣如其色莊不幾于失人乎

信乎言不足以盡人而觀人者宜执行而徵心也

析講註不可以下以言貌取人言之貌也非言貌並說

言論篤寔貌亦在其中○與有信其踐履而槩其終身之意

○胡雲峰曰君子者心口如一有德必有言中篤寔外自然

子路章全旨

此見聖人因材之教進求退由各因其偏而正之教雖不同增之所以善其行也重行上不重聞上入是也淨論固不可信篤論亦不可信語氣警切

子路問聞斯行諸子曰有父兄在如之何其聞

斯行之冉有問聞斯行諸子曰聞斯行之公西

華曰由也問聞斯行諸子曰有父兄在求也問

聞斯行諸子曰聞斯行之赤也惑敢問子曰求

也退故進之由也舉人故退之

君子謂舉人也張敬夫曰聞義當勇爲然有父兄在則有不可得而舉者若不舉而行則反傷於義矣子路有聞赤之能行惟恐有聞則於所嘗爲不患其不能爲矣特患爲之

之、意、或、過、而、於、所、當、無、備、者、有、關、耳、若、冉、求、之、資、稟、失、之、弱、不、レ、患、其、不、ラ、稟、命、也、患、其、於、所、賞、爲、者、遂、巡、畏、縮、而、益、之、不、レ、勇、耳、聖、人、一、進、之、ラ、ハ、退、之、ソ、以、約、之、於、義、與、之、中、而、使、之、ラ、ム、無、斷、不、及、之、患、也、

義理之中而使之無過不及之患也

析講大全陳氏曰曲剗之間未必同時亦未必互問問同答異亦偶見而疑之非其能問則聖人造化一子之心誰知之哉○由不重稟命只恐下他于行上冒昧非不欲他稟命只恐下他于行上委靡スラフ○公西沂問只在問同答異上一起スル疑○有父兄在只是要他取裁意凡以一意向前的人多有不及裁度處緩他一步便能斟酌義理審度時勢而行序善耳勉求之卽行非不道稟命稟命卽其所能不待教之也○退與兼久是資稟異處亦在于行上見二字故字重看兩之字指行言兼久猶云加借於人也退之欲以善其行非欲以阻其行也畏章全旨此章見夫子顏子重道處夫子一身係斯道之與廢而回之一身禍夫子爲存亡日予在隱然見夫子必不死曰何敢隱然見已不當死總以道深相信意

子畏於匡。顏淵後。子曰。吾以汝爲死矣。子在。回何敢死。汝女音

後謂相失，在後何敢死謂不赴鬪而必死也胡氏曰先主之制民生於三事之如一惟其所在則致死焉况顏淵之於孔

子恩義兼盡，又非他人之爲師弟子者而已。卽夫子不幸而遇難，回必捐生以赴之矣。捐生以赴之幸而不死，則必上告天子下告方伯，請討以復讐，不但已也。夫子而在，則回何爲而不愛其死？以犯匡人之鋒，平。

參邢疏：子畏于匡，一時倉卒，遇難。顏淵偶相失，在後既免，方至。子曰：吾以汝爲死于匡人之手矣。而今固在也。高也。顏子答曰：回之一身視夫子，爲存亡者也。夫子旣在，回何敢輕死？以犯匡人之鋒乎？此可見聖賢不以死爲難，而以處死爲難也。

析講：太全輔氏曰：孔子遇難，則顏淵有致死之義。孔子免難，則顏淵無致死之理。○云：何敢死？賤以不死爲重也。○存疑子，在何，敢死？之說，固中，有定見。知夫子必免，行乎患難之道，同也。○回既遭難，相失，何以知夫子之必在？日以天之遠焉，斯文知之也。又曰：回何敢死？則生死之權，固在天，而不在于匡人矣。老子曰：有德之人，兕無所觸。其角，兵無所投。其刃，甚是之謂乎？

### 季子章全旨

此章見聖人咀嚼編，扶綱常之心，上四節，子然欲假由求以立人，故夫子極言其大臣之道，未二

### 季子然問仲由冉求可謂大臣與

聲

予然季氏子弟自多，其家得臣。子然欲有二人臣之節，應荅之際，皆所以抑季氏也。

衆大全二十子以聖門高弟，而仕于季氏，其德望才業，固非常人比。季氏之家，其必知所尊敬矣。故子然以此，佯多而問于夫子曰：仲由冉求可謂有大臣之風者與？

荀子論子然平子意如之，子桓子之弟也。子然駕見其父逐，眾公懷不臣之心，久矣。自多其家得臣，由求就孔子問之。夫子未易言，吾以子舉非常之人，以爲問，曾由與求二子之爲問乎？

析講：異之間，指非常之人，謂道德殊異，如伊呂之徒是也。

# 所謂大臣者以道事君不可則止

以道事君者不從君之欲不可則止者必行已之志。參序夫大臣非以其名與位也所謂大臣者甚進而事是君不以功利不以容悅以道正其欲而納之執物之中若是志不可行則止决不肯仕而必生盜逃亡無所苟如此析講麟士云不從君之欲不從二字卽焰後不從說也但後是專謂弑父與君而此槩言之耳下節可謂具臣則小事而已有從之者矣故曰弑父與君亦不從也因亦字一生此處不從二字因此處不從二字伏下節小事或從之意光見朱子集註化土之妙以道事君只解不從君之欲是繫闕語不要只做大臣論說得泛了林次崖曰不可不是說君不從真言謂君不從其道而恣其欲也。大臣只從言非專指中一國之臣也所謂二字有循名核實意所謂大臣以人品論不以位論道伸雖位在二三命不失爲大臣道屈雖位在二三公不免爲具臣必先持下一不可則止之節斯能行以道事君之忠貢勉齋曰以道事君謂審出處之宜盡責難之義必守我之正道而不容悅以苟順君之私欲也不可則止所謂身以列

# 今由與求也可謂具臣矣

具臣謂備臣數而已

道也○朱子曰不可則止謂不六合則去○以道事君是行道不可則止是重道道字作主必行己之一志者己志之在于行道道既不行決不肯苟仕而必去是必行己之志也

# 曰然則從之者與

與乎

意一二子既非大臣則從季氏之所爲而已參序子然不知夫子輕由求之憲乃又問曰進止若不能守才以效一官但可謂具臣數而已矣大臣云乎哉析講具臣謂備之一職之用而已俱不可爲大臣非戶位者比道然則由求之事人也其將惟人所爲而順從之者歟予蓋此問意由求可贊以非義而爲之黨也其不臣之心已見矣析講從之二字固指季氏然亦槩說下文弑父與君亦不可明加季氏二字

# 子曰弑父與君亦不從也

言只一子雖不足於大臣之道。然君臣之義則聞之熟矣。弑逆大故必不從之。蓋深許二字以死難不可奪之節而又以陰折季氏不臣之心也。○尹氏曰季氏惠權僭竊。一子仕其家而不能正也。知其不可而不能止也可謂具臣矣。是時季氏已有無君之心。故自多其得人之意。其可使從已也。

故曰弑父與君亦不從也。其庶乎二子可免矣。參臯夫子又許一子以折之。曰小事之失或有從處。若弑父與君而悖道之大者亦斷然不肯從也。蓋君臣之義由求固所熟聞。彼必見之明而安之固矣。此而從之亦何以爲二子哉。

析講大全張氏曰弑君父不從何必辟求而能之。不知順從之臣始也。惟利之徇而已。履霜堅冰之不戒。馴習蹉跎以至從人弑逆者多矣。如荀或劉穆之徒。始從操裕。豈遂欲弑逆哉。惟其漸積順長而勢卒至此耳。○李袁上曰觀上日事上君下日弑父與君夫子原不以季氏當君父看。○楊龜山日弑父與君言其大者。蓋小者不能不從故也。如下旅太山伐頤夫入之子夫人可宰費也哉。

## 子路章全旨

此章重一學字。上二節因子路妄舉未學者仕而

非之。下二節因子路妄對以仕爲學而惡之。總見

## 子路使子羔爲費宰

子路爲季氏宰而舉之也。

參大全子路爲季氏宰以費邑數畔難復欲舉子羔爲之。宰而析講成一人有其兄死而不爲衰者聞子羔將爲成宰遂爲哀。蓋子羔重厚有德足以化民所以特製之。

## 子曰賊夫人之子

夫音扶

賊害也。言子羔質美而未學。遽使治民。適以害之。

參雋氏子羔雖厚重有德而未學則理未明而用必窒。遽使之治數畔之邑。非所以全之也。子責之曰由是舉也。寔是賊害夫人之子夫人可宰費也哉。析講未學二字似不可明講。下節子路方會意說出也。賊謂未達于設施必至廢古任意名寔俱喪也。

子路曰有民人焉有社稷焉何必讀書然後爲學

言治民事神皆所以爲學

衆序子路曰夫子謂賊夫人以其未學也然費邑之中有無  
役之民有位之人焉皆所當治也有土神之社稷神之稷焉  
皆所當事也治民事神日賀其事則自明其理節此是警句  
必沾沾焉讀章句之書然後爲學乎耶然則

子羔之使未嘗廢學而非所以賊之也

析講此學字對行字屬知

子曰是故惡夫佞者

惡去聲

治民事神固學者事然必學之已成然後可仕以行其學若  
初未嘗學而使之卽仕以爲學其不至於慢神而虐民者幾  
希矣子路之言非其本意但埋屈辭窮而取辨於只以禦人  
耳故夫子不用其非而特惡其佞也○范氏曰古者學而後  
入政未聞以政學者也蓋道之本在於修身而後及於治人  
其說具於方冊讀而知之然後能行何可以不讀書也子路  
厚欲使子羔以政爲學失先後本末之序矣不知其過而以

口給禦人故夫子惡其佞也

合衆子路使子羔初意本不是如此但不肯自認已錯而強  
爲飾詞以抵孔子耳子丘之曰丘平日所以惡夫人之佞者  
正以其言不由衷而徒以口給禦人也由也可不戒哉

析講朱子曰佞不是謂佞是口快的人事不間題不是臨時  
撰得話來也好可見其佞○三代以上六經雖未具考之書  
禮則舜之敷五典教胄子與成周鄉官樂正之法所以教夫  
未成之材者蓋有道矣三代而下則既有書修已治人之術  
皆聚於此學者豈可不之讀而遽自用乎苟謂不必讀書指  
自恃其聰明率意妄作而無忌憚矣失不但卑陋而已慶源  
輔氏曰學之已成而仕以行其學猶恐動與靜違用與體乖  
而或有失其宜者况于初未嘗學而可遽使卽仕以爲學乎

○朱氏曰此章因責弟子而見爲學爲政之次

子路章全旨

全章以用世爲主分作三段看首三節因四子侍  
坐而誘之言志中四節因四子言志而獨有所與  
未四節因曾點辨志而兼有所與蓋與曾點所以廣三子之  
用與三子所以寔曾點之用總是造就諸子望其大有用

于

世而無貧人知之意

# 子路曾晳冉有公西華侍坐

坐才

皆曾參父名點

序子路曾晳冉有公西華侍坐于夫子之側

析講此亦以齒序按史記仲尼弟子傳仲由少孔子九歲冉有少孔子二十九歲公西華少孔子四十一歲家語載曾參

少年孔子四十六歲則曾晳必少孔子十餘歲

子曰以吾一日長乎爾毋吾以也

長上

言我雖年少長於叔然好勿以我長而難言蓋誘之盡言以觀其志而聖人和氣謙德於此亦可見矣

衆序

夫子誘之言惑日爾輩有懷未言或以善之年有二十

日差長乎爾故也其母因吾之差長以是而難于言也

析講

毋吾以是教他盡言還末知是

言甚麼至何以哉方知是教他言志

居則曰不吾知也如或知爾則何以哉

言女平居則言人不知我如或有人知女則女將何以爲用也

衆序吾嘗見爾輩當平居之時則皆自負曰吾之才皆足以用世但人不吾知也如或有人知爾舉而用之則爾將何所挾持以應用而不負所知哉試爲我言之所也

析講重在如或一包不吾知句是起下句也不吾知不可空空講無人知意蓋言吾有不足爲世用之具但人不吾知不能展其蘊也○不吾知如或知是轉語要想見耳負譜氣莫作扼腕時事看○何以欲其言所以待用之具何如非問其人知後何等設施也以者卽其效用

之寔指平日抱負言所謂志也

子路率爾而對曰千乘之國攝乎大國之間加之以師旅因之以饑饉由也爲之比及三年可使有勇且知方也夫子哂之

乘去聲饑音饉音僅比必上反下同哂詩忍反

率爾輕遠之貌攝管束也一千五百人爲師五百人爲旅因

仍也穀不熟曰饑菜不熟曰饉方向也謂向義

也民向義則能親其上死其長矣哂微笑也

參蒙引子路承問畧不遜讓遂率爾而對曰今有千乘之國兵賦甚繁介居大國之間舉動有制勢已難爲矣而且加之以師旅兵戰日興因之以饑饉歲凶無食時又難爲以此時勢難爲之國使由也見知于人而爲之善政以安民生善教以淑民志比及三十年可使民皆有勇敢之氣以之戰則勝攻

則取且皆知方尚有尊君親上之義而樂爲之以致死依然強盛之千乘也由則知我以此言畢夫子微哂之焉

析講看記者此處下大率爾字便知是對下面鑑爾舍處而言之○率爾要想他急于見長處此句已爲下其言不讓伏案○爲之二字重看包有善政善教在內有勇根善政知方根善教如務農積穀于先簡閱訓練于後果敢以作其氣自信以固其心皆爲之內事由與求皆曰三年益古者三載孝績要其成也○師旅泛說不作大國來侵于○千乘之國慢露大字下句大國又不止于乘矣太抵如魯衛之于晉楚是也然亦不可說是小國爲下如五六十年說不妄去耳吳氏程曰千乘八百家出一千乘則千乘爲八十萬戶矣自古軍無定稱故

雖魯衛陳蔡皆號千乘之國○庫齋曰據子路所談亦其才所優爲但終是有激昂斬發之氣而不足于雍和故夫子哂之然此意俱未可說明

求爾何如對曰方六七十如五六十求也爲之比

又三年可使足民如其禮樂以俟君子

求爾何如孔門弟子問也下放此方六七十里小國也如猶或也

五六六十里則又小矣足富足也俟君子言非已所能再有謙退又以予路見哂故其辭益遜

參蒙引子問求也哂之志何如對曰由所任者非求之所能力也求不過方六七十里或五六六十里此等小國使求也見知于人而爲之則制田里教樹畜以開其源薄稅斂節食用以至于治民者既富矣而又教之方爲盡道然後能以禮樂化民以和民必成德君子能盡禮樂于己然後能以禮樂化民如此等事求以俟乎其人不敢強也求則知我以此析講方六七十五句是以養民自任如其二句是以教民遜

人雖是謙詞，然求之才不過如此。若能致民，則無聚斂之爲矣。○只重可使足民，禮樂未能帶看。○蔡氏曰：禮樂指化民之務，與冉求足民非若後世之管商有勇之可使屬民足民之可使屬求。

# 赤爾何如對曰非曰能之願學焉宗廟之事如會同端章甫願爲小相焉

相夫一聲

公西華志於禮樂之事，嫌以君子自居，故將言已志而先爲遜詞，言未能而願學也。宗廟之事，謂祭祀，諸侯時見曰會，衆類曰同，端玄端服，章甫禮冠相贊，君之禮者言小亦謙詞合衆夫子問赤也，爾之志何如？對曰：禮樂之事，非敢曰能之，然願學以習其事焉。顧禮樂無處無之，而宗廟會同爲大，彼其宗廟有祭祀之事，又如諸侯見天子有會同之舉，此正禮樂所在，而君則主之。相則贊之者也。斯時或有知赤者，赤則服玄端之服，冠章甫之冠，願爲贊君行禮之小相焉。序其儀節，使君不失禮于神明，審其儀度，使君不失禮于天子。赤之

志也，赤副知我，以此

析講禮樂之事，寔赤之所志，然又嫌于直任，故先曰：非且能之。願學焉。下文正是他願學禮樂處。宗廟會同正禮樂，沂在也。願爲小相，正事也。願學之事也。學之謂習，其事宗廟會同，雖揖諸侯，言且弗露。諸侯字面禮樂不止于宗廟會同，而宗廟會同，字禮樂之大者，故着「如」字。願爲小相，中有習，其制度聲容之節，以爲治身養心之資，而探禮樂之本，意爲字正與學字相應。○宗廟之事，是諸侯祀其先，會同是諸侯見天子。○時見曰：會不以常期，見也。衆類曰：同王十二年不巡狩，則不服盡朝也。○小相謙詞如云從大夫之後二級。○慶源輔氏曰：禮有依端，而冕若玉藻，天子龍衣，以祭依端朝日。諸侯依端以祭，是已有依端而冠若朝，依端冬深衣，是已有依端而章甫如。此章端章甫是已有依端而委貌。若晏平仲端委立于虎門，是已有鄭云端取其正，謂士之衣袂皆二尺二寸，而属幅廣表等也。然則依端之服古者君臣皆得服之，章甫綯布冠也。夏曰：毋追商。日章甫，周日委貌。其制相比，皆以漆布爲之。蓋三代常服行道之冠也。○翼註：端章甫作赤，服說連下句，一氣。○按周禮，秋官司儀職註云：出接賓曰：楨人，賛禮。

曰相聘禮云卿爲上賓大夫爲承賓士爲紹賓則卿上介大夫次介士末介此云願爲小相者謙不敢爲上賓上介之任而居紹賓末介之列也其寔則相君祭礼相君會同也馮厚齋云二子因子路蒙啞故其辭又謙

點爾何如鼓瑟希鑑爾舍瑟而作對曰異乎三子者之撰子曰何傷乎亦各言其志也曰暮春者春服既成冠者五六人童子六七八人浴乎沂風乎舞雩詠而歸夫子喟然歎曰吾與點也

鑑苦耕反舍上聲撰士免反莫

冠並去聲沂漁依反雩音于四子侍坐以齒爲序則點當次對以方鼓瑟故夫子先問求赤而後及點也希間歌也作起也撰具也莫春和煦之時春服單袷之衣浴盥濯也令上已祓除是也沂水名在魯城南地志以爲有溫泉焉理必然也風乘涼也舞雩祭天禱雨之處有壇壝樹木也詠歌也曾點之學蓋有以見夫人性盡處天理流行贊處充滿無少

欠闕故其動靜之際從容如此而其言志則又不過即其所居之位樂其日用之常初無舍已爲人之意而其胸次悠然而與天地萬物上下同流各得其所之妙隱然自見子言外視三子之規規於事爲之未者其氣象不侔矣故夫子嘆息而深許之而門人記其本末獨加諾焉蓋亦有以識此矣參太全四子以齒爲序則點當大對以方鼓瑟故孔子先問求赤而後及之問曰點也爾之志何如點承夫子之問乃瑟音少聞餘音猶鑑爾甚未絕于是舍瑟而起氣象何從容也對曰三子者之所具皆用世志也點則異是子曰撰之異何傷乎人各有志汝亦各言其志也點乃言曰點亦鳥乎志哉如茲之日固莫春者春服則既已成矣或借冠者五六人焉或偕童子六七人焉相與浴乎沂水之上因天之勝同人之相聞而彼此各適詠歌以歸焉因天之勝同人之相此則點之志而已斯言也卽其所居之位樂其日用之常禡無舍已爲人之意然以心而論則固謗然天地生物之心聖人對時萬物之事也夫安有物我內外之間哉夫子聞其言而有契於心不覺喟然而嘆曰吾與點之志也析講此節當與上三節相反看方見異乎三子者之撰蓋三

子之志必要人知方行得。終限于一君一國之小，曾點不論人知不知，隨時處可行，得充其志，雖位育事亦夫子與之雖重在樂天之志，然不可入飄然物外等語，須見得，卷而懷之，與天地萬物同其體，而樂在吾心擴而充之，與天地萬物同其用，而樂在天下。左與知爾之間相屬。故慈希不是瑟音是故之者，希漸漸往手之意異乎？三子者見得，三子皆承則何以之問說致用之具，點獨不然，故以爲異，而有遜避不敢言之意。各言其志，是令點言其志，非謂三子亦各言其志也。與後面一句不同。大全朱子曰：曾點見得道理，大雖超乎事物之外，而寔不離乎事物之中，是個無事無爲的道理，却做有事有爲之功業。此所謂大本，所謂忠所謂一者，是也。日用之間，無非天地流行，都是自然的道理，見得到這裏聖人便做得到這裏。曾點非有擇干暮春，想此時正當暮春，便借口說來，借眼前事寫發。如中庸形容費隱，只偶舉眼前一鳥一魚一乘一躍，無非是費隱。曾點形容真樂，只偶舉眼前一暮春一童冠一風浴一詠歸，無非真樂。此喻極透。陳氏曰：夫子與點，連數處，希從客意思，亦該了。觀志太約是大行，不加窮居，不損底意思，若認作無心于用世，便不是。

三子者出，曾晳後。曾晳曰：夫三子者之言何如？子曰：亦各言其志也已矣。曰：夫子何哂由也？夫子

點以予路之志，乃所優爲而夫子哂之，故謂其說。

泰那疏：三子者言畢而出，曾點獨後，稍侍坐于夫子之側，以夫子獨與已，而于三子者或哂或默，故問曰：夫三子者，其所言之是非得失，果何如？子曰：三子之言雖不同，然亦各言其平日所爲志也已矣。無他說也。

曰：夫子獨于由而哂之，何謂也？

析講亦各言其志，本三子說見得志不必皆同，已含詆之之意，三子俱能勝任，意已在言外，下節其言不讓，二句只是哂

其言之不讓而其志之優爲則固未嘗不許之也。翼註各

言其志重志字見不是空言無寔意前各言其志重劄字見雖異無傷也。

# 曰爲國以禮其言不讓是故哂之

夫子蓋許其能特哂其不遜

衆集解子曰大凡爲國者必以恭敬辭遜之禮然後可以定名分而和民志由也其語言之間無少謙遜已不達爲國之禮矣是故哂之

析講禮字內便含讓字此處正以遜讓言禮不必如上論禮讓之解言禮本于讓也其言不讓語意最難體貼寬緩則于夫子之意不妥貼迫切則曾點易曉而不必再問求亦須云由之言志自負過激而不能退讓以發之直任不疑而不能遜順以曲之方于夫子之哂曾點之疑兩關着矣○爲國以解遜之禮爲本而由言不讓思在上人故哂之語氣只宜如此若云由不合于禮何以爲國則是夫子已不許子路矣非本貞也

# 唯求則非邦也與安見方六七十如五六十而非邦也者

與平聲下同

曾點以冉求亦欲爲國而不見哂故微

問之而夫子之答無貶詞蓋亦許之

參淺說夫子所謂不讓者特以其言辭間之不讓非以其以爲邦自任爲不讓也曾點猶未解其故意以子路既以不讓見哂如求所言亦以爲國之事自居而不讓者何以不見哂又問唯求則非邦也與子曰先主建邦不皆大國也彼千乘之國固爲邦矣安見方六七十如五六六十地雖小而非邦也者是則求所任亦爲邦之事矣

析講言邦便有爲邦之事稍着設施意亦不妨○或問曹叔一節皆爲孔子之言何也曰彼亦見其不以日字起之而不考察前乎此者求爾何如赤爾何如之間皆無日字也○翼註言外便見求能堪此意顧麟士曰方六七十如五六六十大都

是言伯與子男之國而不居公侯百里耳

唯赤則非邦也與宗廟會同非諸侯而何赤也爲之小孰能爲之大

此亦曾晳問而夫子答也孰能爲之大言無能出其右者亦許之之辭程子曰古之學者優柔厭飫有先後之序如子路冉有公西赤言志如此夫子許之亦以此自是實事後之學者好高如人游心千里之外然自身却只在此又曰孔子與點蓋與聖人之志同便是堯舜氣象也誠異三子者之撰特行有不掩焉耳此所謂狂也子路等所見者小子路只爲不達爲國以禮道理是以哂之若達却便是這氣象也又曰三子皆欲得國而治之故孔子不取曾點狂者也未必能爲聖人之事而能知夫子之志故曰浴乎沂風乎舞雩詠而歸言樂而得其所也孔子之志在於老者安之朋友信之少者懷之使萬物莫不遂其性曾點知之故夫子喟然歎曰吾與點也又曰曾點漆雕開已見太意

參集解點未明問所以不哂求之故夫子亦未明益所以不哂求之故哂由之不讓其意終未認出故曾點又問唯赤則

非邦也與曰赤所言宗廟會同非諸侯祭祀與廟觀之事而何赤也願爲小相夫以赤素媚于禮樂之才而願爲小孰有能出其右而爲之大然則赤之所任固亦爲邦之事矣二子輔佐諸侯事皆與由同徒笑由言不讓耳點何疑焉析講此節上兩句辨其事下兩句明其志小字指小相大是優于禮樂意須活看勿認作大相卽註所謂無能出其右也三子皆爲邦之志亦皆爲夫子之所許獨由以言之不讓而見哂可見哂由處全在率爾上點干是了然矣存疑曾點見夫子之哂由以不讓疑由之不讓必以其直任爲邦也故有求赤非邦之問意以由不讓而見哂二子亦是爲邦亦是不讓何故不見哂夫子荅云云明皆諸侯之事與子路同徒笑由言之不讓耳○三子爲邦不是定做諸侯事只任諸侯之事猶言輔佐諸侯也謂得國之柄如管仲子產之類耳

## 顏淵第十二

凡二十

顏淵章全旨

通章只重克己復禮爲仁一句文只重克己二字二句次克復之機自卽克復之目四非禮卽己也四勿卽克

也非禮既克則禮復而仁全矣直任處雖重勿而意寔繼承也○顏子平日私意銷鎔殆盡不比尋常人厚重難破故以克復之功輕輕點化分明一克己後便無已可到心體宗全地位故曰一日克己復禮所以顏子一經提醒更不從別處着力而請事斯語也

# 顏淵問仁子曰克己復禮爲仁一日克己復禮天下歸仁焉爲仁由己而由人乎哉

仁者本心之全德克勝也已謂身之私欲也復反也禮者天理之節文也爲仁者所以全其心之德也蓋心之全德莫非天理而亦不能不壞於人欲故爲仁者必有以勝私欲而復於禮則事皆天理而本心之德復全於我矣歸猶與也又言一日克己復禮則天下之人皆與其仁極言其效之甚速而至大也又言爲仁由己而非他人所能預文見其機之在我而無難也日日克之不以爲難則私欲淨盡天理流行而仁不可勝用矣程子曰非禮處便是私意旣是私意如何得仁須是克盡己私皆歸於禮方始是仁又曰克己復禮則事事

皆仁故曰天下歸仁謝氏曰克己須從性偏難克處克將去合叢顏淵問爲仁之道平曰仁者本心之全德莫非天理也天理之節文有規矩可循處是爲禮仁禮本非二物但爲身之私欲所累則禮失而仁卽失耳爲仁者必有以克勝私欲使事事合着天理之節文以復還于禮則欲淨理全而爲仁矣夫仁原天下人心所同具誠一日能克己而已無不克復禮而禮無不復則天下之人皆稱許我以仁焉夫克復而歸仁卽在天下其效固甚速而至大恕此然事由人則難由己則易今已是我之私欲禮是我之天理克之復之以爲仁其功皆由於己豈他人所能預而由入乎哉其機之在我而無難也如此

析講蔡氏曰私對公欲對理卽舜所云唯危之人心最易竊發克字重看卽至明以察其幾至健以致其決卽是精于工夫私去則公欲盡則理故曰復禮凡舉心動念動容周旋無非天則此所以全其心之德也故曰爲仁己克便是禮復禮復便是仁不曰私而曰己何也凡私欲附身而動己中又有私己非卽私故章句以身之私欲詮已二字克己者克去己中之私欲卽下文視聽言動之非禮是也克者戰勝之詞是用

力字眼克己中有明以察其幾，健以致其决。一意辨其孰爲天理，孰爲人欲，使毫微界限剖得分明，以天理勝人欲，不使入欲勝天理。毅然用力，不敢懈弛。是也。○仁是天理，浑全處禮也。仁固在心上，看禮亦根心，不可以仁屬心，禮屬事。但以其有規矩，可循，不容踰越，故謂之天理之節文耳。如耳目則有明聽，有父子，則有孝慈，使人有可依據而行，是也。禮是自家本有的，所以說个復。○不是待克己了方去復禮，蓋仁是吾心天理，禮是天理之節文，本非二物，但爲人欲所蔽，如一重膜遮了，故克去了私，自然復還。天理克得一分人欲，去便復得一分天理來。克得二分人欲去，便復得二分天理來。功夫非有兩層譬之，鏡本明緣，爲塵昏，既去則鏡自明也。意木朱子曰：禮是吾本有的，被己推出去，今既克了，己禮便自復爲仁。全在復禮上，復禮全在克己上，這克復不是一事，事二事，克復且看爲仁，是全德如何。○二事合，理便了，克則已私盡，去復則天理盡，復方能全此本心之德。○克己復禮爲仁，與下以爲仁之爲妃，謂之相似。○與孝弟爲仁之本爲仁，由己之爲不同。○問程子曰：事事皆仁，故天下歸仁。丁日間

如何，得事事皆仁？一日己能克復了，雖無一事亦不害其爲事，事皆仁，雖不見一人亦不害其爲天下歸仁。○問克復工夫全在克字，上益是就發動處克將去，必因有動而後天理人欲之幾始分，方知所決擇而用力，也曰發時固用克，未發時也，須致其精明，如烈火之不可犯。始得問，克己復禮，是兩節工夫，否。曰：也不用做兩節看，但不會做工夫底克己了，猶未能復禮，會做工夫底克己，便是復禮也。○歸猶與也，几物與人便是把這物歸他了，稱道人亦然。把這好名目加他，便是把這一个謔他了。朱子曰：歸仁主伊川說，稱其仁，要只是所行所爲，人人的心見以爲是耳，非定以仁之名歸之也。嗟堯舜孔子，無思不服，便是天下歸仁。湯武禹惠，便有人非議他，便非天下歸仁。○饑氏曰：克己復禮爲仁，以用工夫者言，一日克己復禮，以成功者言，許以歸仁，以成功之效，言爲仁，由己，以用功之機裏言也。○克己之己，對禮言，由己之己，對人言，非禮勿視聽，克己也，請事斯語，由己也。○既說克己，又云由己，何也？蓋己指自身說，卽下文視聽言動，欲克己自己視聽言動之私，卽自己視聽言動，上着力，故克己又由己只重由己，不由人，意輕爲仁，由己爲字重，看包上克復在內，與首句

爲仁爲字不同○語類天下歸仁這處亦如邦家無怨一般  
在家無怨一家歸其仁在那無怨一邦歸其仁就仲弓此告  
以邦家顏子體段如此便以其極處告之

顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏請事斯語矣

目條件也顏淵聞夫子之言則於天理人欲之際已判然矣故不復有所疑問而直請其條自也非禮者已之私也勿者禁止之辭是人心之所以爲主而勝私復禮之機也私勝則動容周旋無不中禮而日用之間莫非天理之流行矣事如事事之事請事斯語顏子默識其理又自知其力有以勝之故直以爲已任而不疑也○程子曰顏淵問克己復禮之目予曰非禮勿視非禮勿聽非禮勿言非禮勿動四者身之用也由乎中而應乎外制於外所以養其中也顏淵事斯語所以進於聖人後之學聖人者冠服禮而勿失也因歲以自警其視箴曰心兮本虛應物無迹操之有要視爲之則蔽交於前其中則遷制之於外以安其內克己復禮久而誠矣其聽

箴曰人有秉彝本乎天性知誘物化遂亡其正卓彼先覺知正有定明邪存誠非禮勿聽其言箴曰人心之動因言以宣發禁躁妄內斯靜專矧是樞機興戎出好吉凶榮辱惟其所名傷易則誕傷煩則支已肆物忤出悖來違非法不道欽哉訓辭其動箴曰哲人知幾誠之於思志士勵行守之於爲順愚按此章問答乃傳授心法切要之言非至明不能察其幾非至健不能致其決故惟顏子得聞之而凡學者亦不可以不勉也程子之箴發明親切學者尤宜深玩參序顏子問曰請問克己復禮其條自之詳何如蓋求知所從事也子曰所謂克復者亦惟于一身之內有非禮者克之而已如視聽言動四者皆身之用而所以主之者心也視必禁止于心而勿聽言必有禮丁毫非禮卽禁止于心而勿言聽言動皆合于禮而禮復矣此爲克己復禮之目也天下歸仁歸此而已爲仁由己由此而已顏淵曰回之資質雖不明敏請從事于夫子四勿之語而盡由己之力矣蓋直以爲己力

在如此

析謂請問其目是欲未子指出條目所在以爲下手工夫也人之一身只是視聽言動四件若有一毫不合天理處便是非禮便是已私須用禁止此不待其既發而後制之卽制下吾所以欲視欲聽欲言欲動之心而已

瞿鳴湖云

非禮勿視等

要看得細如邪色不視淫聲不聽此類工夫易曉如視遠惟明聽德惟聽遠不遠便是不明纔非德便是不聰此類工夫却難益禮只是天理當然之則故不明不聰亦是不循道理處須悉勿之○蔡虛齋曰要知人心之主不在物而在禮禮常有生自能燭非幾之萌而克之不然色突然而入目聲突然而入耳作何安排而勿之耶朱子曰顏子心上工夫已多此只就視聽言動上使他用工正是約之以禮勿字在一念獨知時先已惺然无者謹其目內出而接于外也○非至明不能察其幾是言其致察于非字非涉非禮必不萌一欲心便是○勿視聽者謹其自外入而動于內也勿言動至健不能致其決是言其用功于勿字○非禮只少有出入不合天則便是非禮非字是心上見其非四勿字亦要看得細供從心上勿也○缺兼明健請事兼系上二節○陳氏曰非禮者

已之私禮者天理之公非禮勿視聽言動卽所以克己而所視聽言動皆合禮節所以復禮也○此一章聖人說只是要他克己復禮一日克己復禮則天下歸仁是言克己復禮之效爲仁由己而由人乎故是言克己復禮工夫處在我不在人下面請其目則是顏子尚敬聖人詳言之耳蓋非禮勿視便是要在視上克己復禮非禮勿聽便是要在聽上克己復禮非禮勿言動便是要在言動上克己復禮前後反復只說這四字

言

仲弓章全旨

仲弓問仁子曰出門如見太賓使民如承太祭已

夫子教仲弓以下制心之道在寔體之敬恕以自考邦二句是敬恕之驗語之使之自考○大全胡氏曰敬以持已是收拾此心入來恕以及物是推廣此心出去能使内外無怨可以驗我之能敬恕故曰自考○朱氏曰上章因人施教而正言爲仁之道此章因人施教而可見末仁之道仁俱以德

所不欲勿施於人在邦無怨在家無怨仲弓曰雍雖不敏請事斯語矣

敬以持己恕以及物則私意無所容而心德全矣內外無怨亦以其效言之使以自考也○程子曰孔子言仁只說出門如見大賓使民如承大祭看其氣象便須心廣體胖動容周旋忠禮唯謹獨便是守之之法或問出門使民之時如此可也未出門使民之時如之何曰此儀若思時也有諸中而後見於外觀其出門使民之時其敬如此則前乎此者敬可知矣非因出門使民然後有此敬也愚按克己復禮乾道也主敬行恕坤道也顏冉之學其高下淺深於此可見然學者誠能從事於敬恕之間而有得焉亦將無已之可克矣

參序仲弓問仁子曰仁莫要于存心而存心莫要于敬恕卽如一出門也則儼然如見大賓而禮讓之不敢忽其無一事之敢忽可知使民也則肅然如承大祭而對越之不敢慢其無一事之敢慢可知如是則能敬以操此心矣至人施諸已而有所不欲也則以已慶入而勿以已之不欲省施之于

人恕是則能恕以推此心矣由足而在邦也如此敬如此恕無怨于外在家也如此敬如此恕無怨于内而爲仁在是矣仲弓曰雍之資質雖不明敏請從事夫子敬恕無怨之語矣蓋亦以爲已任如此

析講大全朱子曰不欲勿施緊接那出門使民邦家無怨累接那不欲勿施似一片水注出來到這裏方是做得透徹充足飽滿極道體之全而無虧欠○世有敬而不能恕的人便只理會自守却無溫厚愛人氣象若恕而無敬則無以主之須先主于敬然後能行其恕○問恕有是非如何都得他無曰此只說恕得是底○仁爲心德純然無私之謂仁敬則心不放私意無自而入怒則心不隔私意無自而出○游氏曰出門句無時而不敬使民句無事而不敬○不欲勿施就平日居心說○出門四句要不氣說下出門使民皆人所易忽至于見賓承祭則人情所必敬者處可忽而猶敬之至則無不敬可知此亦舉動以該靜也持己一出于敬到接物上又恕以行之事事无天理人情則日用之間無少間隙私意自無所容而心皆此理流行故曰心德全矣能敬則内不失己而無以取怨于人

能怨則外不失人而不致人之怨，在那無怨如上得平若下得乎民是也在家無怨如父母安其孝兄弟悅其友是也一句不重效驗上註中自考意最重見得那家或不免于怨必敬恕之功猶有未至也而已乎蓋必至無怨方見敬恕之至上方見心德之全也請事總是居敬恕而期至于無怨意此章總見言訥本于心存而存心正所以爲仁也骨牛多言而躁其放心違仁可知故因問而示以存心之方非是教他言上做工夫正教他所以訥言處着力益訥言非仁所以訥之心既仁也朱氏曰此章因人施教而可見求仁之方仁以德之一端言

## 司馬牛問仁

司馬牛孔子弟子名華向魋之弟

子曰仁者其言也訥

訥音

訥忍也難也仁者心存而不放故其言若有所忍而不易發

益其德之一端也夫子以牛多言而躁故告之以入此使其於此而謹之則所以爲仁之方不外是矣  
季房子曰子欲求仁盍觀仁者之人凡于其言也若有所訥而不易發予于于此而謹之則所以爲仁之方不外是矣  
析講不日訥言而曰其言也訥此是指現成者說朱子曰仁者之人言自然訥在學者即當自謹言語以操存此心如今人輕易言語是使此心不在奔馳申出如何有仁此心不放多言而躁故告之以此欲其返求諸心而自得其所以言訥之故耳蔡氏曰但訥其言其心自能收攝住此句訥而不發要半自去體認○仁者二字須讀住註中心存不放四字卽在仁者裏面上卽是言訥原故且勿入講恐碍下節

曰其言也訥斯謂之仁矣乎子曰爲之難言之得無訥乎

牛意仁道至大不但如夫子之所言故夫子又告之以此蓋

心常存故事不苟事不苟故其言自有不得而易者非<sub>○</sub>能開之而不<sub>○</sub>出也楊氏曰觀此及下章再問之語牛之易其言可知<sub>○</sub>程子曰雖爲司馬牛多言故及此然聖人之言亦止此爲是愚謂牛之爲人如此若不告之以其病之所切而泛以爲仁之大槩語之則以彼之躁必不能深思以去其病而終無自以入德矣故其告之如此蓋聖人之言雖有高下大小之不同然其切於學者之身而皆爲入德之要則又初不異也讀者其致思焉

合參牛日仁道至大其言也訥不過強<sub>○</sub>闇不出已耳斯謂之仁矣平子曰女知仁者之一言訥而已而不知仁者之言所以訥蓋人性心之放也故率意而妄爲惟爲之妄也故肆言而無忌仁者心存于事其爲之也必慮其難成其成也又慮其難終務要<sub>○</sub>做得合道理而不敢輕率不胡亂做者必不胡亂說言之即欲無訥其可得乎是則其言也訥似未足以爲仁而其所以訥者在乎心之存而爲之難則仁不外是矣牛可以爲易而少之哉

析講木全輔氏曰心存則行自然難而不苟動言自然訥而不苟發此心得之自然豈易能哉而牛以爲强<sub>○</sub>闇故易<sub>○</sub>訥之

也麟士云爲之難二字須讀作難者難之也頗着力到得無訥乎則自然水到渠成矣○其言也訥夫子是說仁者之一言主意全重仁者上上去却仁者二字只認爲言者之一訥便視爲強<sub>○</sub>闇不出故易視之註中心常在事不苟裏面不必太生屑折<sub>○</sub>爲字泛說仁者之言無不訥正以其凡有所爲無不專指爲仁說者非是○難字主心言非力行之難只兢兢業業其難其慎之意得無二字是自然意不待强<sub>○</sub>闇而自有不得不訥者在上也勿作計顧行看蓋凡發之于言者必見之于行行既不易則心有斟酌言自不敢輕易發矣蓋爲之此心言之卽此心心存不放四字原貫却兩句也蔡氏曰此不得不訥之心何等收敛不放豈不是一个仁者琬爲之難亦是敬的意思

### 司馬章全旨

此見君子無入不自得之意只據現成說內省不<sub>○</sub>去用<sub>○</sub>力乃令他自己去想要到不<sub>○</sub>收地位賞盡何等工夫○牛<sub>○</sub>渥不<sub>○</sub>憂懼不足盡君子疑其出于強制也夫子曰何憂何懼見得自然無憂懼而非強制矣朱氏曰此章因人施教而

司馬牛問君子。子曰君子不憂不懼。

解其憂懼之心

黑牛問君子子曰

向魋作亂牛常憂懼故夫子告之以此

禁曰：「不憂不懼是就君子現成的說。君子二字須下  
讀住，不憂不懼全在心體上做工夫。不是境上強制，  
不知故少之。○存疑憂愁也是愁禍患之至。懼驚恐也是禍  
患至而驚恐。○集解孔曰：牛兄桓魋將爲亂牛自宋來學，常憂懼故孔子解之。

曰不憂、不懼、斯謂之君子矣乎。子曰內省不疚夫何憂、何懼。扶夫音。

扶

牛之再問猶前章之意故復告之以此疚病也言由其平白所爲無愧於心故能內省不疚而自無憂懼未可遽以爲易

而忽之也○晁氏曰不憂不懼由乎德全而無疵  
故無入而不自得非實有憂懼而強排遣之也  
合參牛曰君子之道大矣僅僅不憂不懼斯謂之君子矣乎  
子曰子勿易視之也君子平日所爲內省于心皆無疚病則  
仙不愧俯不怍浩然于天地之間故雖有可憂之事而吾固  
可以理自信雖有可懼之事而吾固可以理自信夫何  
憂何懼之有益道義自修之寔信非成德者不能也

析講大全許氏曰不憂仁也不懼勇也仁者樂天故不憂勇者果決故不懼能仁且勇君子之道盡矣然此意却未可說明輔氏曰不憂不懼者疑若有之而強排之也何憂何懼則是卽無憂懼耳以兩何字換兩不字便見學問自然之妙所內省不疚時自有一工夫在但不會道及○按金仁山云平日所爲無愧于心二句補內省不疚以前工夫此註故能二字之一說未免又多一層矣只當云平日內省不疚較直捷內省不疚要看得細世上鑑有事事可對天庭廣衆而心上却過不去處蓋屋漏未能不愧雖人不及知自心定有疚病必內省不疚則此心快然自潔有甚麼憂懼存疑云禍患無自而至固不至干憂懼繼有意外之患可憂懼亦安干命而

不之憂懼矣不至憂懼者惠也

吉也不憂不懼者理直氣壯也

司馬章全旨

通章只

重盡其在敬而無失一句是主能知天下

命有在則無兄弟亦是天命所得自盡者獨有恭敬耳欲牛自盡恭敬以感化其兄弟非

欲其撤却自家兄弟認別人爲兄弟也

司馬牛憂曰人皆有兄弟我獨亡

牛有兄弟而云然者憂其爲亂而將死也

令參司馬牛憂而語子夏曰人皆有兄弟皆得遂天倫之樂

我獨不能相安于無事之天而雖有若亡如之何其可也

析講司馬向魋欲弑宋公弟子順子車同惡故司馬牛憂之

○邢疏按哀公十四年左傳云朱桓魋之寵害于公公將討之未及魋先謀公知之召皇司馬子仲及左師向巢以命其徒攻桓氏向魋遂入于曹以叛民叛之而奔衛遂奔齊恆

公卽向魋又謂之桓司馬○人皆有兄弟要見無故我獨亡

要見

子夏曰商聞之矣

蓋聞之夫子

序子夏曰商也嘗聞諸夫子矣

死生有命富貴在天

命稟於有生之初非今所能移天莫之

爲而爲非我所能必但當順受而已

合參人孰不樂生惡死然死生稟之生初而有命而今着力不得人孰不欲富貴然富貴卒之氣數而在天是你着力不得但當順受而已

析講有命是凡事已屬分定在天則不在我見當順受之意

○天以一定之數言命以不齊之一遇言命卽天氣之流行而人得之以生成麟土云如此則牛無兄弟亦命也天也在言外○述所聞止此下二節商自言也兩節意相承言安于天命固無容憂而修其在我又不必憂也

君子敬而無失與人恭而有禮四海之內皆兄弟

也君子何患乎無兄弟也

既安於命又當脩其在己者故又言苟能撫已以敬而不間斷接人以恭而有節文則天下之人皆愛敬之如兄弟矣蓋子夏欲以寬牛之憂故爲是不得已之辭讀者不以辭害意可也○胡氏曰子夏四海皆兄弟之言特以廣司馬牛之意意圓而語滯者也嘒聖人則無此病矣且子夏知此而以哭子夾明則以蔽於愛而昧於理是以不能踐其言耳

參序

君子固在安命而又當修其在己者誠持己以敬又能

始納如一而無間斷之失接人以恭又能隆殺合宜而有節文之禮敬則我無過自起人之愛敬恭順待物出節而自得下人之愛敬則四海之內愛之敬之皆我之兄弟也况在吾之兄弟有不相感而變惡爲善哉君子何

無兄弟之是患也子亦自修焉而已

析講輔氏曰既告以安命又勉以修身使兩盡其道趙氏曰

若安命而不修已是有命而無義聽乎天而不盡其人矣○

君子何患乎無兄弟也是正答人皆有兄弟我獨是教乎

自修以化其兄弟意若解作申上四海之內皆兄弟也是教乎

半舍自己兄弟而認他人爲兄弟詞便有病耳疑或非子夏意也○翼註敬與恭總屬一心此心在持己上能兢兢業業

便是敬本此敬心夫待人禮貌謙謹便是

恭無失是常常敬意有禮是不足恭意

子張章全旨

此章見心之不蔽即是明子張務外好高其周明夫子告以人情至近處求明就是遠何必遠有所求也

子張問明子曰浸潤之譖膚受之懇不行焉可謂明也已矣浸潤之譖膚受之懇不行焉可謂遠也已矣

譖莊陰反

浸潤如水之浸灌滋潤漸漬而不驟也譖毀人之行也膚受謂肌膚所受利害切身如易所謂剝牀以膚切近災者也懇懃已之冤也毀入者漸漬而不驟則聽者不覺其入而信之深矣懇冤者急迫而切身則聽者不及致詳而發之暴矣二者難察而能察之則可見其心之明而不蔽於近矣此亦必

因予張之失而告之故其辭繁而不殺以致于寧之意云○楊氏曰驟而語之與利害不切於身者不行焉有不待明者能之也故浸潤之譖膚受之懇不行然後謂之明而又有謂之遠遠則明之至也書曰視遠惟明

令來子張問如何而可謂之明夫子恐其馳之遠而反失之近也曰所謂明者亦惟于人情所難察者察流而已如譖人微言冷語之中如水之浸潤相似此巧于譖者也懇者其詞緩則不能聾人之聽惟是迫切而陳或言人之加害最慘或言已之受害最酷如言冒受荼毒相似此工于懇者也譖以緩則聽者不覺其入而一旦之深想以急則聽者不及致譖而發之暴亦能知其爲僞以彼譖者聽者之計不得行焉是二者難察而能察之則可且其心之明也已矣抑不但可謂明也譖爲浸潤之譖懇爲虛信受之懇而果其不行焉真不蔽于追而可謂遠也已矣子欲求明尚去其心之蔽而可哉析講譖是譖人不于己所必事須是閑言冷語說來不覺懇是想切己的事須是說得不切要忽然間觸動○不行謂懇是雖巧而不得行之于我北我之不行人之譖懇也○浸潤膚

受是譖懇之巧而最易惑人者集註信之深發之暴是白文行字不行者能覽而不深信能詳而不暴發任譖懇之來不因彼而動吾疑動吾忿也明就心之本體高謂心無私蔽如明鏡當前物來自照也明之至卽是遠所謂旁燭無疆也世之難察者不在于遠而在乎人情至近之隱君子之全明惟察乎至近而即得乎至遠之見可知遠不在明之外而求明當求之心也註中不藏于近意是遠字真詮○蔡氏曰明遠是就其下行為處見得要知其所以不行處是由于居敬窮聖居敬則心有所把持而難動窮理則人情曲折皆在其所照而不可惑○可謂之明又謂之遠者非明外又有遠贊其遠正以見其明也明與遠雖無兩層然兩對須作兩番呼喚左盡聖人反覆叮嚀之意○遠字猶云左深識只是吾心通透無一分遮蔽

### 子貢章全旨

首節言政有三太經是告以萬世經常之道下二節是就其所重中而審其尤重是告以二時應變之道其實信不可失理自不易也

### 子貢問政子曰足食足兵民信之矣

言倉廩實而武備脩然後教化行而民信於我不離叛也。叅大全子貢問爲政之道予曰政以治民生與民心而已食者民之天食不足非養民之政也必爲之制田里薄賦數使民有常產而不失其時則倉廩寔而足食兵者民之衛兵不足非安民之政也必爲之比什伍時簡閭使民有勇而知方則戎備節而足兵信者民之心信不足非化民之政也必爲之明禮義厚風俗使民皆有尊君親上之心無欺詐離叛之念而信于我焉三者備而爲政之道得矣此爲政之常經也析講民字畧讀之字指下如富之教之一般信之矣亦氣力猶云足其食足其兵而其于民則信之矣較直捷蓋兵食在民而足之則在上信在民而信之則由于上教化行自與倉廩實等一例看不得獨作推原有說民信以效言不可從。三事俱要見是爲民食者民之天兵者民之衛信者民之心倉廩是民間倉廩當時寓兵于農兵亦只在民間。○兵食信三平看下文方見輕重足食足兵要說得像個王政非如富強之術民信句不跟上二句說若說由兵食而得民之信反似重在兵食一邊下文去食係信如何說得去的信。興兵食是時俱施出去的非是兵食足後方施信意。

# 子貢曰必不得已而去於斯三者何先曰去兵

上

聲下同 ○ 言食足而信孚則無兵而守固矣

參朱子子貢曰三者兼全固爲善政若事變之來必不得已于三者之中姑去其一則以何爲先子曰食足而民信則民親其上死其長如子弟衛父兄手足擣頭自可執撻以撻堅利矣必不得已而去則兵或可無也

析講夏九範曰去字無力猶云少得那一件耳若說任我去

之則當事變之際卽欲去兵而存食去食而存信豈由得我兩不得已如云時窮勢急智盡力竭而不能爲全盡之謀不必太泥如何傑不得已兵可暫去如下大主始遷岐山經營民食恩信結民但生聚未繁可耕而不可戰故事見夷以保境土而不暇用兵待木拔道通之後自修武備也

# 子貢曰必不得已而去於斯二者何先曰去食自古皆有死民無信不立

民無食必死然死者人之所必不免無信則興生而無以自

立不若死之爲安。故寧死而不失信於民。使民亦寧死而不失信於我也。程子曰：孔門弟子善問。窮到底。如此章者，非子責不能問。非聖人不能答也。愚謂以人情而言，則兵食足而後吾之信可以孚於民。以民德而言，則信本。人之所固有。非兵食所得而先也。是以爲政者當身。

率其民而以死守之。不以危急而可棄也。參朱子子貞又問曰：三者去兵已。是權宜。若事變愈甚，必不得已。至二二者之中，又當去兵。則以何爲先？子曰：若民信，則不至偷生避患。所謂信存卽國之存。不必食而後存也。必不得已而去，則食或可無也。然無食必死。死生常理。自古以來，人所必不能免者。若民無信，則失所以爲民者，而無以立乎天地間。是必有以使民寧無食以死而不失其尊君親上之心。則其政之所重，在得民心而善教。俗可知矣。

析講饒氏曰：三者俱全處事之常者，叫做去處事之變。去食者，平日信義在人。至此更以大義激發，民相與極力，共宋効死。勿去是也。後世如張睢陽以孤城殲卒，當百萬新集之師。是去兵到後來，羅雀掘鼠。是去食而卒無聊人離散者。是終不去信的樣子。自古有死二句正言，食可以去而信不可。

去之意也。黃勉齋曰：所謂民信至此而後民有以全其信也。非謂至此而後方施信于民也。然則教民以信，其可一日緩乎？○兵食民賴以生之物。信民賴以生之理。無信則雖有粟而誰與食？雖有兵而誰與守？○或問是民自不立，是國不自立。朱子曰：是民自不立，民不立，則國亦不能立。蓋有信則相守，以死無信，則相欺。相詐而臣棄其君子棄其父矣。○曰去兵，非去兵也。食足而信，則民固。皆兵也。曰去食，荷烹于民，則雖危急之極，而亦終不忍以飢寒去也。然則亦非去食也。甚言不可無恩義交結之素。蔡氏曰：何以去兵也？藏兵于食信也。何以去食也？兵食去而信存，可以與民效死也。

○兩去，寧非已有而去之，不能兼全而去之也。

夫子彬彬之說，總之皆爲質地耳。

兩賢俱有深心，不必過爲駁駁。

## 棘子成曰：君子質而已矣，何以文爲？

棘子成衛大夫疾，時人文勝故爲此言。

### 棘子章全旨

此章通以敬。世立論子成，惡文之日盛也。欲去文，而存質。近夫子寧儉之旨。子貞欲存文，以旌質。

序 納子成疾時人文勝而曰當今之世君子欲挽頽風凡持一身應事惟存其本質不失真朴之意而已矣何用藻飾文采以炫觀美爲

析講首節君子雜德位言謂有主操世道之責者天一節君子以德言與末節註中君子不同持己接物之際凡崇本而務全實處皆謂之質凡可以觀而可以美處皆謂之文此只在詩動上見不下主禮上說也常說把忠信誠確當質字看恐此四字質不足以當之予成把文認作虛文故欲去之子貢亦知質之當重但借質以例文之不可盡去耳只用不可相無看

## 子貢曰惜乎夫子之說君子也駟不及舌

言子成之言乃君子之意然言出於舌則駟馬不能追之又惜其失言也

參達說子貢曰惜乎夫子之說崇本抑末乃君子之意也然駟馬過正話已說錯而難收了蓋駟馬不能及舌矣

析講惜乎夫子之說作二十句已隱然有駟不及舌意了却又

把君子也三字扶起再把駟不及舌抑之見其叫做惜也故下

節遂明其故冀註意主救世故曰君子言過于激先不可

追故曰駟不及舌有此意乃失此言所以可惜

## 文猶質也質猶文也虎豹之轉猶犬羊之轉

郭反

○轉皮去毛者也言文質等耳不可相無若必盡去其文而獨存其質則君子小人無以辨矣夫棘子成矯當時之弊固失之過而子貢矯子成之弊又

無本末輕重之差胥失之矣

衆達說天下之事無質不立無文不行以文而較之質則文與質等耳固不輕于質而可以盡去也以質而較之文則質與文等耳亦不重于文而可以獨存也是文質之不可相無蓋如此且文譬則毛也質譬則皮也文質俱存然後可以辨君子小人亦猶皮毛俱存然後可以辨虎豹犬羊若如君子之言則是盡去其文而獨存其質矣君子何以異于小人猶盡去其毛而獨存其皮矣虎豹之轉何以異于犬羊之轉乎此夫子所以爲失言也

析講蒙引上二句子貢述所見下二句折子成之言也○君子小人謂士大夫與細民也君子而盡去其文則雅俗相混而莫辨矣○子成以文爲可盡去其流之弊將必至于棄禮

減法如西晉君子之爲都故予責憤其言之失而力正之子責全說文以矯子成亦未盡善若虎皮羊皮雖除毛畢竟自別使一个君子與一个屠販之人相對坐井不以文見畢竟兩人氣象自別大率不可無文亦當以質爲本如寧儉寧戚之意說本朱子

### 哀公章全旨

此章總見足國當先足民哀公意在足國有若意在足民蓋謂君民一體足民正所以足國也○哀

### 哀公問於有若曰年饑用不足如之何

稱有若者君臣之辭用謂國用公意益欲加賦以足用也合參哀公問于有若曰如今年歲飢荒而民之賦稅不入焉之國用不足甚矣爲今之計將如之何而可以足用乎析講馮氏日公十二年十三年皆有螽連年用兵于邾又有齊警此所以年饑而用不足也○註中加賦足厭謂欲今后加賦使國有餘積以備饑年不致臨時缺乏也必姑此說方無弊若云加賦卽指目前則年饑而民之賦稅俱莫能辦如何又欲加賦乎

### 有若對曰盍徹乎

徹通也均也周制一夫受田百畝而與同溝共井之人通力合作計畝均收大率民得其九公取其一故謂之徹魯自宣公稅畝又逐畝什取其一則爲什而取一矣故有若請但專行徹法欲公節用以厚民也

參序有若對曰我周初徹法井凡八家田九百畝耕則通力合作收則計畝均分公于中取其一分而国常足用良法具在公何不仍舉行之乎析講朱子曰徹則八家通力合作九百畝田收則計畝均分公取其一如助則八家各耕百畝同出力以耕公田此助徹之別也○虛齋曰有若盍徹之意云何正以百姓足君孰與不足也看到後而方得此意此處未可說明○行徹所以足用者其道在節用不然則斂溝而費廣何以支也○按上節註意欲加賦此節註欲公厚民兩欲字是推其意且勿露○宣公稅畝亦不曾廢井田只是徹法外又加履畝之稅今但革去履畝便依舊行徹了盍字宜玩如云昔也徹行而足令也徹廢而不足則權之足與不足之間何不依先王行徹法

語氣虛活要他想那行徹法的好處出來。徹是貢助二法此言同溝者鄉遂用貢法十夫有溝也此言共井者都畝用助法八家同井也。

## 曰二吾猶不足如之何其徹也

二卽所謂代二也公以有若不

輸其旨故言此以示加賦之意。參序公以有若不輸其欲加賦之意曰我魯自稅畝以來已十分取二了公一遇飢年吾之用猶不足如之何其更行徹而十分取一也是徒知賦之輕重爲國用所關而不知民之貧富爲國用所係也。

## 對曰百姓足君孰與不足百姓不足君孰與足

民富則君不至獨貧民貧則君不能獨富有若深言君民一體之意以止公之厚斂爲人上者所懷深念也。○楊氏曰仁政必自經界始經界正而後升地均穀祿平而軍國之需皆量是以爲出焉故一徹而百度舉矣上下寧憂不足乎以二猶不足而數之徹疑若迂矣然什一天下之中正多則桀寡

則裕不可改也後世不究其本而唯末之圖故征斂無藝費出無經而上下困矣又惡知盍徹之當務而不爲迂乎。合叅對曰先王徹法之制原通乎日月而爲之計君民一體無分者也如徹行而井田均穀祿平單國之需皆量入以爲供公上者必衆就與君以不足而獨至得貧乎若不行徹而稅斂無藝費出不經使百姓困于橫征而不足焉必至室家離散田疇荒蕪而賦稅莫供矣孰與君以足而獨能得富乎君民相關如此此徹之不可不行也若徹之不行而徒欲加賦以足用是謀非臣所能及矣

折講百姓足根徹法行來百姓不足根徹法不行來。○問哀公之不足祿去公室而歸三家也雖徹何補曰徹法行則自一夫百畝等而上之士大夫卿各有差等以至君十卿祿之制皆可以次第而舉不惟野人之井地均而君子之穀祿亦乎矣。○孰與不足言上好仁則下好義所謂車乘芻粟民爲之出錢穀金帛民爲之供也下二句特反言以足上二句意耳不重太全馬厚斂虛齊俱主此意必如此說方與正註相合蓋哀公如之何其徹句只見得君一邊全没想到百姓上

故有若告以君民一體之意見君之足不足全由民以見徹之端行也。○慧解云孰與不足分明是百姓皆出賦稅與君之用若苛征民困飢寒迫身雖日加鞭笞必且逋賦日多矣蓋徹行而民衣食事育有餘自樂輸惟正之供自足供朝廷之用主主意只要高明故夫子告之以近裏切已之功主之徒之是有寔地而加之日新者辨惑如撤蔽愛惡變遷正示以蔽之所在而使之知所撤也俱是治心工夫亦講太全饒氏曰從義者今日所爲未是便從不是處遷入

## 子張問崇德辨惑子曰主忠信徙義崇德也

主忠信則本立徙義則日新

參掌引子張問曰日修之道治心爲先德者理之得于心者也何以崇之而使之進于高惑者理之蔽于心者也何以辨之而使之進于明子曰德根于心而達于事者也心也內主忠信使存于心者無一念之不寔而外徙乎義使其于事爲之間無毫之不當理如此則根本既固而立德有基善行日加積累而進德有地德將日進高明是卽崇之之事也

是處愈遷愈高。○朱子曰主忠信則其徙義也有地而可據能徙義則其忠信也有用而日新。○主忠信是眞寔欲爲善未有工夫徙義方是工夫。○忠信不分只是二个真寔而無自欺之心義卽忠信之化裁處無忠信之寔心雖欲徙義竟無寔事德無自崇有忠信之寔心而不徙義徒守一个朴寔頭而已更不能有進步處亦不能崇德也故二者須是合做方得忠信義之外別無德主徙之外亦別無崇須分曉。○人之進德必先立一个寔心了然後就事上處處要合義方能崇德如孝弟必先立一个孝弟底寔心有愛親敬兄之寔心則大本有了然後求其所謂孝弟若何而爲溫清定省之節若何而爲恭敬遜順之道未十分全宜便教十分合宜則日得其所味得矣合是二者可見崇德。

## 愛之欲其生惡之欲其死既欲其生又欲其死是惑也

聲惡去

愛惡人之常情也然人之生死有命非可得而欲也以愛惡而欲其生死則惑矣旣欲其生又欲其死則惑之甚也

參大全如用情也有人于此愛之則欲其生惡之則欲其死溺于愛惡之私而以彼之生死定分爲可以隨已之所欲且又不能自定先既欲其生旋又欲其死而一生一死交戰于胸視造化之柄若吾可得而操則是見理不明虛用其心于不可必之地而寔無所損于彼也其私意之所蔽亦甚矣是之謂惑也知惑則知所辨矣

折講崇德屬行辨惑屬知○上二句欲字重下二句既字又字重既字又字正見他心爲欲蔽反復不常意○南軒張氏曰推此一端則凡欲之而妄者皆惑也問辨惑何不教以辨之之方饑氏曰既知其所以惑者在此是即所謂辨也○就人情上說惑的模樣所愛惡主一人言重兩字既欲兩句即上二句合來形容惑處辨惑全要從愛惡源頭上辨出○彙解說到生死甚言其愛惡之偏也辨惑與問明意相通蓋愛惡是已情譎懶是物情俱是要他就物我相接處下中寔是在工夫也

## 誠不以富亦祇以異

此詩小雅我行其畠之詞也舊說夫子弘之以明欲其生死

者不能使之生死如此詩所言不足以致富而適足以取異也程子曰此錯簡當在第十六篇齊景公有馬于駟之上因此下文亦有齊景公字而誤也○楊氏曰堂堂乎張也難與並爲仁矣則非誠善補過不蔽於私者故告之如此

序小雅我行其畠之詩云彼之棄我者非愛富而惡貧止以新與故之異耳可証愛惡變遷之情也

此草見明倫

爲爲治之本

## 齊景公問政於孔子

齊景公名杵臼魯昭公末年孔子適齊

序孔子在齊齊景公問政于孔子

## 孔子對曰君君臣臣父父子子

此人道之大經政事之根本也是時景公失政而大夫陳氏厚施於國景公又多內嬖而不立太子其君臣父子之間皆失其道故夫子告之以此

序孔子對曰爲政以正倫爲先外而朝廷君成其爲君臣

成其爲臣，內而家庭父成其爲父子，成其爲子。仁敬孝慈各盡其寔。此人道之大經政事之根本也。爲政之道何以加此。

析講君成一个君權不旁落，臣成一个臣威不上侵。父成一个父恩不偏嬖。子成一个子愛不奪嫡。君臣父子四字，然有循名責實之意。○蔡氏曰：君臣父子各盡其道，此政事之根本而非條目也。然彝倫攸序，則百廢可舉，不可謂非政事也。○上君臣父子指其人而言，下君臣父子指盡道而言，景公有君父之道，當重在君父。上是時威福下移，而嫡庶不明，夫子益傷之。○註：景公失政，二句見得君不君，臣不臣。又多內嬖二句，見得父不父子，不子。

公曰：善哉！信如君不君，臣不臣，父不父子，子不子，雖有粟吾得而食諸？

景公善孔子之言，而不能用。其後果以繼嗣不定，啓陳氏弑君，篡國之禍。○楊氏曰：君之所以君，臣之所以臣，父之所以父子，之所以子，是必有道矣。景公知善夫子之言，而不知反求其所以然，蓋悅而不繹者，齊之所以卒於亂也。

參序公聞言而惕若，曰：善哉此言也！信妃君不成其爲君，臣不成其爲臣，父不成其爲父子，子不成其爲子。其何以爲國？雖有粟吾安得而食諸？吁！景公知善夫子之言，而其如不用何也！

析講君君臣臣父父子子，即是政，不可言政由此而立。○饒氏曰：外註楊氏云：景公善夫子之言，而不知反求其所以然者，是說景公不能反之，于身以盡君父之道也。○按左傳晏子語：景公曰：陳氏雖無大德而厚施于民。公務斂，陳氏務施，民歸之矣。○又景公寵妾芮姬生子荼，荼少，其母賤，諸大夫乃言願擇諸子長且賢者爲太子。景公病，命其相國惠子商昭子，以荼爲太子。後竟立荼，及公卒，葬之。是爲悼公。遂使人殺荼於魯。田乞爲相，其子田恒又弑之。○公焉傳至田和遷齊，康公于海上，食一城以奉其先祖康公之十九年，田和立爲齊侯。列于周室。

子曰：片言可以折獄者，其由也與。○折之古反。與平聲。

片言章全旨

此見人道取信于素上節，是夫子稱子路能取信于人下節，是門人記子路養之有素以明之。

片言半言折斷也子路忠信明決故

言出而人信服之不待其辭之畢也

卷序子曰訟之爲情僞多端若夫片言之間可以折斷其獄使曲直判然無復有爭訟者其我仲由也與仲由言出而人

信服之有不待其詞之畢也

折講片言非真是半言只是不待詞之畢而已能折之也折斷也謂是非曲直斷開爲兩途也蓋治獄之道兩詞具備曲直未分混爲一途及乎別其孰爲曲孰爲直則判然分爲二矣○片言可以折獄其故全在忠信明決上但夫子未曾說出故門人記其平日無宿諾以見子路取信于人之有素夫子稱其片言可以折獄意蓋在此也所云亦片言也平時無片言之欺人故臨時片言可服人與徒以聰明取辨臨時者不同○其由也與空說忠信明決留在于節用○折者非以言折之以心折之也

## 子路無宿諾

宿爾也猶宿怨之宿急於踐言不異其諾也記者因夫子之言而記此以見子路之所以取信於人者由其養之有素也

○尹氏曰小邾駢以荀緯奔魯曰使季路要我吾無歸矣千乘之國不信其盟而信子路之一言其見信於人可知矣一言而折獄者信在言前人自信之故也不畱諾所以全其信也

參大全門人因夫子之言而記之說子路平日爲人有諾千人則必急於踐言再無遲留經宿而不行者蓋其踐言而不欺者忠信也急于踐而不滯者明決也忠信則人不忍欺明決則人不能欺故人自信而獄可折也

折講蒙引忠信明決該得廣無宿諾只是其中一事雖是其中一事而子路明決之全體亦因可識蓋是未曾發言而折獄之先如此也○顧麟士曰上曰由此日

子路故知記者因夫子之言而及之也

## 子曰聽訟吾猶入也必也使無訟乎

范氏曰聽訟者治其末塞其流也正其本清其源則無訟矣

○楊氏曰子路片言可以折獄而不知以禮遜爲國則未能使民無訟者也故又記孔子之言以見聖人不以聽訟爲難而以使民無訟爲貴

參淺說子曰爲人上者因民之訟而判其曲直折其情偽此事公與明者皆能之吾可猶夫人也然此不過治其末塞其流而已必也正其本清其源使民知向化自然無訟之可聽乃爲貴乎此道德齊禮之所以重講也

析滿聽在訟後法也使在訟先德也○大全陳氏曰聽訟者決民之一爭無訟者躬行化民而民自不爭無訟可聽非禁之使然默化潛孚若使之耳○使無訟正有道德齊禮在內夫子亦未說明所以使之故正欲令

爲治者悟于言外也吾字不必泥

### 子張章句首

此章論爲政之心貴于誠二字皆指政言政不外乎教養無倦者當存教人養人之心而始終如一重終字以忠者行此教入養人之事不但外如此內亦如此中無苟且鋪張之意而表裏如一重裏字○子張務外而少誠寔其爲政必不能持久而盡其心故告之以此

### 子張問政子曰居之無倦行之以忠

居謂存諸心無倦則始終如一行謂發於事以忠則表裏如一○程子曰子張少仁無誠心愛民則必倦而不盡心故告之以此

合參子張問爲政之道子曰爲政之道無他一誠焉盡之矣以此政而存于心者謂之居居而或不持久則非不息之誠矣必也疚之心者終始如其始由益仕而匡成不替此心由期年而異世不易此心而必無有懈弛之意則政自有恒矣以此政而顯設于事者謂之行行不本于憲心則非無妄之誠矣必也凡措諸事者裏如其表禮樂文章皆心之發紀綱法度皆心之推而不徒爲粉飾之具則政皆憲事矣體用一誠爲政之道何以加此

析講此未及爲政之條目是諳其所存也○陳新安曰居如居敬之居存諸心立其本也行如行簡之行發于事達其用也○無倦以忠是主寧處天行不息而作用處皆真性流

此爲純王之道也

子曰博學於文約之以禮亦可以弗畔矣夫

君子章全旨

此見君子小人之待人者其用心各有不同而所好所存則用心之原也蓋人欲爲善而或無入勸勉所以致其成處不可便當成處

子曰君子成人之美不成人之惡小人反是

成者誘掖獎勸以成其事也君子小人所存既有厚薄之殊而其所好又有善惡之異故其用心不同如此參大全子曰君子存心本厚而所好又在善故見人之善于未而成之先誘掖以引其進于將成之際獎勸以堅其志必使之至干有成而後已見人之惡規正之使知所懲沮遏之使不得迷不肯成人之惡也若小人所存者薄而所好又在惡故專事迎合以成人之惡忌刻詆毀不肯成人之善蓋反是焉君子耻獨爲君子小人喜同爲小人此天下所以不可無君子而不可有小人也

析講所有以心言所好以情言胡氏曰君子之所好在善故

季康子問政於孔子孔子對曰政者正也子帥以正孰敢不正

范氏曰未有己不正而能正人者○胡氏曰魯自中葉政由太夫家臣效尤據邑背叛不正甚矣故孔子以是告之欲東

子以正自克而改三子之故惜乎康子之溺於利欲而不能也

參存疑季康子問爲政之道于孔子孔子對曰子欲知政盍就政之義而思之政之爲言正也所以正人之不正以歸于正也然未有己不正而能正人者今子猶大夫固有正人之責者若自端其身而安分循理帥之以正則人之得于觀感

者孰敢有垂法亂紀而不歸于正者哉

不然不能正其身其文何以正人乎  
析講政者正也解政字之義且虛說子帥以正孰敢不正左  
是就已身上說正人之本轉氏蒙引政者正也就作正已以  
正人說恐未是吳氏曰書云表正萬邦上者表也下者影也  
表正則影正矣政之義無外于此帥以正兼內正心術外  
正施爲孰敢不正兼朝野○敢字可玩民之不正有敢心也  
敢于不正未以正帥也以正帥如謹官常于朝秋倫紀于家  
皆是○凡書義各照本色看如此章正字只說無備  
踰無偏類若說正已物正便非須照康子身上說

### 季康子全旨

康子之間在弭盜以立法夫子之對在弭盜

盜以心盜心起于欲上貴以下欲率之

## 季康子患盜問於孔子孔子對曰苟子之不欲

### 雖賞之不竊

言子不貪欲則雖賞民使之爲盜民亦知恥而不竊○胡氏

日季氏竊柄康子奪嫡民之爲盜固其所也盍亦反其本耶

孔子以不欲啓之其旨深矣奪嫡事見春秋傳  
合參季康子患國多盜賊問于孔子求所以止盜之方子曰  
上者下之倡荀子在上清心厲節不貪于國無奪于家則民  
視上之不欲亦知以是爲貴矣民知以不貪利爲貴則雖賞  
以誘之使爲盜竊而其心愧恥自不肯爲  
之矣况有法焉以繩之與尚何盜之患也

折講大抵清世無盜其次諸盜最下謹盜季氏竊柄盜于國  
康子奪嫡盜于家此魯之大盜何以貴人之爲盜故以不欲  
做之不直曰苟子之不盜其詞然而意深矣不欲照康子說  
于分之所不當爲者不以于上義之所當不取者不以狃下  
便是所謂賞之不竊乃假設之言以見民之必不肯爲耳○  
左傳哀公三年季孫有疾命正常日無死南孺子之子男也  
則以告而立之女也則肥也可季孫卒康子卽位既葬康子  
在朝南氏生男正常載以如朝告曰夫子有遺言命其圉臣  
曰南氏生男則以告于君與大夫而立之今生矣男也敢告  
遂奔衛康子請退公使共衛異之則或殺之矣乃討之呂正  
常正當

不反

季康章全旨

康子之意欲以刑齊民夫子則欲以善率民故以善機過他殺機正以德易刑之意

季康子問政於孔子曰如殺無道以就有道何如孔子對曰子爲政焉用殺子欲善而民善矣

君子之德風小人之德艸上之風必偃

焉於度反

爲政者民所視效何以殺爲欲善則民善矣上作尚加也偃仆也○尹氏曰殺之爲言豈爲人上之語哉以身教者從

以言教者訟而況於殺乎

黎大全季康子問政于孔子曰民俗之淺也人多不道吾意欲殺那無道的使民知所懲而趨就于有道何如孔子對曰風化自上有子爲政則民之善不善在子而已亦焉用殺爲哉但子欲善之心純篤發見于政教之間而躬行以倡之則民將率從丕變自不爲無道而歸于善矣蓋在比之君子分尊而易以倡導其德主于威猶之風也在下之小人分卑而易于率從其德主于應猶之草也草上加之以威則必偃仆

小人被以君子則必順從然則民之所以赤之從者亦吾欲善之誠不篤而已何以殺爲政哉

析講就有一道猶言民向于道也一說作殺惡人以成就善人不必從子爲政見化導之柄在上則轉移之機亦在上也有主張在乎意欲善欲字重謂其真心好善也有躬行平道意君子之德能感故曰風小人之德主應故曰草上威下無不應如草加以風必偃德字兼善惡然只重善一邊麟士云欲善欲字中有作用不是空空一欲便了君子之德風以下是申說欲善民善之故頗重君子小人字蓋以位言之草而加之以風小人而帥之以君子俱取勢足相壓爲喻舊講風字者多以和煦巽人等立論何異說夢也○德字虛看忽作善字風範之喻正所以欲善民善處

子張章全旨

此章見闡連之辨在誠僞之分達者爲已而修德不求名而名自著聞者爲人而飾德襲其名而名亦彰相似而是不同也子張發外所問在達而所對在聞其亦不知誠僞之辨矣故夫子先譏而辨之後折而告之總是一欲其務寔而不務名意道章欲其務寔而不是務名意道章只是辨達非以聞達並言也

子張問士何如斯可謂之達矣

達者德孚於人而行無不得之謂

合叅子張問爲士以達爲貴然達必有以致

之未知何如斯行無不通而可以言達矣

析講子張是問所以達之故言何如方能達也非問達之名義○註德孚于人是朱子會下文意而據正理解之不可一人

子張只氣

子曰何哉爾所謂達者

子張務外夫子蓋已知其發問之意

故反詰之將以發其病而藥之也

令叅子張務外人也夫子蓋已知其所問者達而其所認爲達者必非故反詰之日何哉爾意之所謂達者試言其達之旨而吾得語爾所以達矣

析講翼註此是先明問他如何做達下友告他所以達爾

所謂三字宜玩見達自有真

不審爾所謂達是認何謂耳

子張對曰在邦必聞在家必聞

言名譽著聞也

參序子張對曰人惟名譽不彰是以行多望薄若

士在邦必聞之士在家必聞之而達可知矣

析講蒙引此是子張自解其所謂達者之意認聞以爲達也

子曰是聞也非達也

闇與達相似而不同乃誠偽之所以分學者不可不審也故太子旣明辯之下文又詳言之

合叅子折之曰君子所言是乃所謂聞也非所謂達也蓋達

是我這裏自然通達夫聞是要

他那裏聞知我不可得而同也

析講此節辨聞之非達重達一邊既氏曰聞是求聞于人達是人自信已

翼註二句且虛就字義辨別註誠偽字留待二

夫達也者質直而好義察言而觀色慮以下人

# 在邦必達在家必達

夫音扶下同

卷之九

五十五

內主忠信而所行合宜審於接物而取以自牧皆自脩於內不求人知之事然德脩於已而人信之則所行自無窒礙矣合泰夫所謂達也者非有心以求人之知也內主忠信則實而朴寔直而無偏曲而又孜孜好義凡所行事必求其合理之宜其立心行事之善如此然又不敢挾之以自是也必于撫物之際仔細和順察人之言從違何如而觀人之色喜怒何如以審吾言行果當于忠信合于義理否也又必卑以自牧常常思慮以謙下于人而無毫不揆已謗人之意其接物處已之謹又如此此皆自修于內不求人知之事然德修于已而得乎心理之同則人自信之由是在邦必雍上治民而在達于邦在家必悅親信友而達于家所行自皆無窒碍矣達同如此

析講夫達節以德字作主下修德丁夫總形容得一个誠也質直句一串說不可以質直對好義正與色取行違相反察言二句亦一氣串說正與居之不疑相反在家二句本修德來要見自然意重在人信上王觀瀋曰句是歲初子張病

痛子張務外少誠未能質直才高慧廣未盡合宜好高自是必不去觀察下人○質直總是十一个寔心忠信亦總是一个寔心故朱子會意解之○饑雙峰目忠信的人固難得但亦有直情徑行不去墮事裁度而所行容有不合宜處故質直又要合義麟士云義雖訓合宜亦是當然而然意非圓融委蛇之謂也故小註又謂質直而好義便有觸尖人底意思勿混看○察言觀色正是好義工夫全要摹寫他小心敬畏不敢侈然自是常見我之直所不足而人之足爲我資慮謂心思之詳審常常如此思慮恐有所不知覺也下人者收敛退縮不爲軒昂恢大的模樣不敢謂以莫我若也○質直二字方自存心說未及于事故曰內好義不但好之而已就有行

夫聞也者色取仁而行違居之不疑在邦必聞在家必聞行去聲

善其顏色以取於仁而行實背之又自以爲是而無所忘憚此不務實而專務求名者故孟子雖隆而實德則病矣○程子曰學者須是務實不要近名有意近名太本已失更學何

事爲名而學則是僞也今之學者大抵爲名爲名與爲利雖庸鄙不同然其利心則出尹氏曰子張之學病在乎不務實故孔子告之皆篤實之本尤平內而發乎外者也當時門人親受聖人之教而差失右如此者况後世乎

合衆若夫聞也者非若達之寔大聲宏也善其顏色以襲取乎仁之外所粉飾恰似仁人君子而攷其所以行于已者皆與仁違則與質直好義者與矣又自以爲是而無所忌憚居之全無疑意似寔有此仁者則與觀察下人者異矣此不務寔而專務求名者故亦能欺世盜名所以在邦必聞于邦在家庭必聞于家虛譽日隆而寔德愈病聞固如此其辨

析講蔡氏

曰色取仁其外所粉飾似質直好義者及致其寔行人所不着眼處便與仁相違悖世正與質直好義者相反居

之不疑不是恐人看破先示之以不疑是假仁慣了連自己心也道不過如是爲仁全不曉得行之相背總是其他心粗氣浮與觀察下人用一艮細密參詒上夫者相反此等事在外血做工夫夫儘可塗人耳目故人亦以名歸之須切堂堂乎張舞與爲仁之意勿太看壞○觀色莫忘顏色言色取說得滿切于爲已而下文詳告之

### 樊遲從遊於舞雩之下曰敢問崇德脩慝辨惑

愚吐得反○胡氏曰愚之字從心從

匿蓋惡之匿於心者脩者治而去之○  
參序昔夫子間遊于舞雩之下樊遲從之因日理得于心謂德如何積累以崇之惡惡于心謂愚如何克治以修之事義于心謂惑如何明晰以辨之敢以問之夫子

析講新安陳氏曰惡形于外者易見匿于心者難知乃惡之根也

周易

卷之十一

論

五十一

子曰善哉問

善其切於爲已

解序子曰善辭子之間真切于爲已之學也

析譏

蔡氏

日遊息之會不忘治心之功故善之

先事後得非崇德與攻其惡無攻人之惡非脩惡

與一朝之忿忘其身以及其親非惑與

與平

先事後得猶言先難後獲也爲所當爲而不計其功則德日積而不自知矣專於治已而不責人則已之惡無所置矣知一朝之忿爲甚微而禍及其親爲甚大則有以辨惑而懲其忿矣樊遲麤鄙近利故告之以此三者皆所以救其失也范氏曰先事後得上義而下利也人惟有利欲之心故德不崇惟不自肯已過而知人之過故慮不脩惑物而易動者莫如忿忘其身以及其親惑之甚者也惑之甚者必起於網微衆蒙引夫德非他吾心之理也使爲其事而卽計其功則天

理奪于人欲之私德之所以不崇也若先其事之所當爲者爲之而已矣而後其所得固不計其功效如此則用心專工夫無間本心之善將日積而不自知非所以崇德歟惡非他吾心之惡也纔有心去責人自家過惡便鹵莽而不治惡之所以不修也今也攻其惡事以治已爲心稍不善必九除之而無暇及于人以攻人之惡則何惡不去非所以修惡耶若夫忿不終朝是暫時之忿非不共戴天之仇與終身之恨也不能自制遂至忘其身以禍及其親而不顧端甚微而致禍甚大非惑之甚歟于此辨之而知自憇焉已矣何其他求之析譏此節有贊事以救其失意先事後得克其近利也責已克其鄙畧也懲忿克其粗厲也○事與得卽切崇德講崇德工夫謂之事德之能崇謂之得先是急急加工夫後是全不計先事則有真積之方後得則無正助之弊故曰所以崇德總是天理纔有一毫計較之心便是人欲若是只循天理做將去德便卽崇○輔氏曰人惟一心用于此則不用于彼人但知責人不知責己惡常癡迷于心蓋有心去攻人之惡則于己之惡便茫然不知况能望其咎治乎○人本無惑惟爲忿

所蔽而不知利害之所，在故惑蓋忿心之發，易審兀而橫肆，苟不懲之，于始則終或至于忘身及親。此辨惑者所以嘗懲其忿也。○翼註無攻人之惡，無字不是聖人禁止他，亦不是修惡者自家禁止，只是惡匿于心而欲修之，自覺得前念方息，復念復萌，雖欲攻人眼耳。辨惑聖人只就樊遲切身之弊告之，以發凡耳。人之蔽不一，學者各自辨察已之惑者而務去之。○據忘其身忘字非忘字似當作下不顧慮字上講斯。

樊遲章全直

此章見仁知相須之妙，不可以右智平說重在智之。○胡雲峰曰：知人愛人是分言，知仁之用舉直錦諸枉能使枉者，直是合言，知仁之相爲用。

樊遲問仁子曰愛人問知子曰知人

上知去聲下如字

愛人仁之施知人知之務

叅淺說樊遲問如何爲仁子曰仁者愛人，親疎厚薄皆在慈育之中而已。又問如何爲智子曰智者知人邪？正賢否？無逃洞鑒之下而已。

析講愛人知人是就已能且言仁之施知之務專主用言他

樊遲未建

曾氏曰：遲之寔蓋以愛欲其周而知有所擇，故疑二者之相悖爾。

叅大全樊遲聞言而未能通達其旨意以愛人則無所不愛，如云就仁論之，則仁人主於愛者也，而仁非混然無別也。就知論知則知主於知者也，而知非漠然無恩也。○知入愛人固是仁知之用，然夫子口中不必說出。

子曰舉直錦諸枉能使枉者直

舉直錯枉者知也，使枉者直則仁矣。如此則二者不惟不相

悖而反相爲用矣

參直解子曰子不觀舉錯之道乎誠真知人之正直者舉而用之真知人之邪枉者錯而舍之舉錯既明則勸懲各當將見枉者莫不有所感發以去惡而從善卽能使枉者亦皆爲直矣理之相成也如此

析講太全饒氏曰樊遲問仁智是二者平說夫子亦平答之乃再答以使枉者直一句左是串說仁智問夫子之言何獨歸重智曰雖重在智然此心所以舉直錯枉依舊是從仁上發來蓋直者此心天理之公能舉直是發此心天理之公是亦仁也直極專指人而言諸衆也謂衆人之枉者卽下文選于衆之意○夫子舉直二句正見智成其愛舉錯句明說不知字能使句暗藏一个愛字然畢竟未曾分別仁智出故遲猶未達夫子之言獨歸重于智因遲疑智有妨于仁故夫子言使枉者直則仁矣及者相爲用俱宣渾之○蔡氏曰舉直錯謂辨其孰直孰枉卽舉其直而枉者自在所錯則凡枉者皆有所愧化而枉爲直是我之舉錯能使之真也仁智相成之神全在能使二字指示

樊遲退見子夏曰鄉也吾見於夫子而問知子曰舉直錯諸枉能使枉者直何謂也

鄉去聲見賢遍反

遲以夫子之言專爲知者之事又未達所以能使枉者直之理

又未達所以能使枉者直之理

參序遲以夫子之言專爲智者之一事又未達所以能使枉者直之理又不敢多問遂退往見子夏曰鄉也吾見于夫子而問智子曰舉直錯諸枉能使枉者直夫舉直錯枉者知人之智也吾知其所謂矣而能使枉者直此于智之理果何謂也析講遲未曉能使枉者直之言于知之道理何指故下文子夏答云此意自有所該也○劉上玉曰单述見于夫子問知遂作夫却一半了所以惑也○樊遲之疑在下句蓋不曾哩食能使枉者直之兼言仁也彙解舉錯兩言因其未達而余言仁智也遲見答以知入後又益正兩言故只以爲問智耳

子夏曰富哉言乎

歎其所包者廣不以言知

參太全子夏一聞其說便嘆曰所包者富矣哉其夫子舉御能使之言乎不墮于一偏不滯于一隅豈止言知已也析講富哉句虛疏下節正見予言之富也

舜有天下選於衆舉伊尹不仁者遠矣湯有天下

選於衆舉伊尹不仁者遠矣

選息戀反陶音遙遠如掌

伊尹湯之相也不仁者遠言人皆化而爲仁不見有不仁者若其遠去爾所謂使枉者直也子夏蓋有以知夫子之秉仁知而高矣○程子曰聖人之語因人而變化雖若有淺近者則遺遠語遠則不知近也尹氏曰學者之間也不獨欲聞其說又必欲知其方不獨欲知其事如樊遲之問仁知也夫子告之盡矣樊遲未達故又問焉而猶未知其何以爲仁也及退而問諸子夏然後有以知之使其未喻則必將復問矣既問於師又辨諸友當時學者之務實也如是參序聖言之富觀乎往事可見矣昔者舜有天下選于衆人之中知臯陶直者也乃舉之爲士師由是天下之人恥已之

不得與于選舉之列遂感化爲仁而不仁者皆若遠去于舜之世矣湯有天下選于衆人之中知伊尹直者也乃舉之爲相出是天下之人恥已之不得與于選舉之列遂感化爲仁而不仁者皆若遠去于湯之世矣夫子之言始猶是也豈止于智而已子反而思之則得之矣

析講兩弘舜湯以証富哉言乎正見夫子舉錯一言市來帝湯選舉事也陳氏曰選于衆舉皇陶伊尹此知人之智所謂舉直錯枉也不仁者皆化爲仁卽愛人之仁能使枉者直矣夫子二語已包于夏之意于夏之言益發明夫子之旨亦是暗會于夏卒不知攀遜當日仁智並問其云不仁者遠已退出仁字然亦是不意中逗中仁字愛人字于夏口中終不宜露卽知人字亦不宜露卽証舉直錯枉一句而已翼註攀遜因兩個不仁者字偶然獨其問仁一事乃悟夫子兼仁而言矣于夏還是彷彿食意未必寔指兼仁而言

子貢章全旨

此章明處友之道交友宜誠故忠告二字極重善道乃所以善用其忠告至吾說必不可行則亦可

以止又所以善全其忠告也

子貢問友子曰忠告而善道之不可則止無自辱焉

告工毒反

道去聲

友所以輔仁故盡其心以告之善其說以道之然以義合者也故不可則止若以數而見疏則自辱矣

參大全子貢問處友之道予曰友所以輔德先勸善規過必盡此心之誠以相告而又心平氣和從容簡當以善道之使已意伸而聞者亦不怖也如此而猶不見首則吾說不可行矣數必取疏知進退者所不爲也則止

而不言無自取辱焉而交友之義以全矣

析講饒氏曰苟遂能忠且善焉遽以彼不從而止則是在我者猶未盡便欲責人非交友之道也熊氏曰忠告是心盡忠善道是言盡善外皆兼到○忠是一段真懇忠愛心在言前未有此言先有此心其告也告以心之所欲盡非徒以口舌博責善之名只恐慷慨其詞嫌于過激此心畢竟未盡骨若托之以真懇而出之以從容庶吾之言可漸入耳

蒙山

不得與子選舉之列遂感化爲仁而不仁者皆若遠去子舜之世矣湯有天下選于衆人之中知伊尹直者也乃舉之爲相由是天下之人恥已之不得與子選舉之列遂感化爲仁而不仁者皆若遠去子湯之世矣孟子之言殆猶是也豈止于智而已乎子反而思之則得之矣

析講兩張舜湯以証富哉言乎正見夫子舉錯一言古來帝

王治天下之道皆不出此所包者廣何止一言智不是單謀舜湯選舉事也陳氏曰選于衆舉皇陶伊尹此知人之智所謂舉直錯枉也不仁者皆化爲仁卽愛人之仁能使枉者直矣夫子二語已包子夏之意子夏之言蓋發明夫子之旨○按子夏之言發明夫子之旨亦是暗會子夏卒不知摯遲當日仁智並問其云不仁者遠已逗出仁字然亦是不意中逗中仁字愛人字子夏口中終不宜露卽知人字亦不宜露卽子夏舉直錯枉一句而已冀註樊遲因兩個不仁者字偶然猶其問仁于一事乃悟夫子兼仁而言矣子夏還是彷彿食意未必寔指兼仁而言

子貢章全旨此章明處友之道交友宜誠故忠告二字極重善道乃所以善用其忠告至吾說必不可行則亦可

卷之十一  
以止又所以善全其忠告也

子貢問友子曰忠告而善道之不可則止無自

辱焉

告工毒反

友所以輔仁故盡其心以告之善其說以道之然以義合者也故不可則止若以數而見疏則自辱矣

參大全子貢問處友之道子曰友所以輔德凡勸善規過必

盡此心之誠以相告而又心平氣和從容簡當以善道之使

已意伸而聞者亦不忤也如此而猶不見省則吾說不可行

矣數必取疏知進退者所不爲也則止

而不言無往取辱焉而交友之義以全矣

析講饒氏曰苟未能忠且善焉遽以彼不從而止則是在我者猶未盡便欲責人非交友之道也熊氏曰忠告是心盡忠

善道是言盡善內外皆兼到○忠是二段真懇忠愛之心在言

前未有此言先有此心其告也告以心之所欲盡非徒以口

舌博責善之名只恐慷慨其詞嫌乎過激此心畢竟未盡苟

若持之以真懇而出之以從容庶吾之言可漸入耳

蒙引

不苟非不訾世高不可以忠告而善道也以道事君不可則止亦然

曾子章全首

此節示人以取友之益昭註明道進德宜隨文平說而大意只重友上字即上以文會友之友也

曾子曰君子以文會友以友輔仁

講學以會友則道益明取善以輔仁則德日進

合參曾子曰君子之爲學未有不須友以成者也文者道之散殊而道以講習而後明故君子之會友非徒會也以文會之也或與之考詩書于古或與之窮事物于今參互考究而道以益明矣仁者德之統會而德以相觀而益善故君子之爲仁非獨爲也以友輔之也有善則相勸有失則相規切磋琢磨而德以日進矣夫明道進德皆資于友如此友之于人尤大矣哉

析講以文以友字重然看道益明德日進字面則會友輔仁亦重

大全蔡氏曰以文會友致知之方以友輔仁力行之

事胡氏曰上章友之資于我者不可無忠告善道之益此則

我之資于友者賴其講學輔仁之力東陽許氏曰爲仁而不大

取友以爲輔，則有孤陋寡聞之患。會友而不以文，則有羣居終日，言不及義之失。○註：益字曰：字要味。必君子已能博學于文，爲仁于已，而後取友以成之，則益明日進矣。蓋平時已有明理工夫，但恐意見偏曲，卽將這文來，會聚朋友，相與講究其理。仁者心之德，輔仁不是助我用功，只是藉友以涵養氣質，薰陶德性耳。有說兩句串譜歸重仁上似與註不合，不必從。

論語卷之六

早稻田大学図書館

011888004078